


硃批諭旨

李 衛奏摺二



硃批李衛奏摺

雍正五年三月二十四日浙江巡撫臣李衛謹密

奏為覆奏事竊臣欽奉

恩旨先動帑銀四萬兩會同將軍臣鄂密達觀風整俗

使臣王國棟查修杭嘉湖三府城垣河道堤岸使

窮民得以傭工食力為糴米之資已將臣等三路

分查并臣往江蘇會商事畢回署各日期先後

題明在案今臣等公同查議蒙

皇上特沛洪恩原為杭嘉湖三府上年被水窮民艱食

設法拯濟自應分別緩急就人民衆多工程緊要

硃批諭旨

李衛

之處與修庶錢糧不致糜費災民實有裨益時屆三月下旬恐遲則蠶農兩忙現在飭行各處發米平糶先將杭嘉湖三府郡城及石門等縣城垣星飛辦料修葺令窮民赴工計日給價贍養家口此寧波府城關係緊要前經石雲傳奏請今雖不外如寧波府城垣損應修已據地方官呈詳因非應併議此內另議估修亦當迅速料理毋遲係被災地方現在批司另議款項其餘頗多應修之處或城垣堅固者暫緩以俟後圖其各處河道堤岸臣勘得湖州之太湖乃三府諸水所匯歸從前修建堤閘今多圯廢有應行復修之處臣鄂密達勘得嘉興一帶官塘為衝衢要道今有石塘坍

損土塘低陷之所俱應修整培高使外水不能灌入以保農田其石門縣上下地方約有四十里淺塞天旱即乾亦當挑挖臣王國棟勘得杭州之東有河一百二十里達於海寧名曰上河原引西湖之水入灌民田今亦淤淺湖水不能存蓄海寧而下至黃灣地方一帶支河亦有應行疏濬者以上各府河道支河港汊甚多臣等雖經查明緊要處所應加開濬但冬春雨雪連綿水勢未落淺處亦深若此時築壩開濬恐妨灌溉且必多費工資況沿河民田目前現有春花將來即須插種河底淤

此議甚是汝等籌酌諒應不謬

泥無處堆積臣等再三商酌當就九十月間水落收穫方可興工今先將應濬處所確勘明白庶臨期不致周章至於修繕城垣料物浙江原無堅厚城磚若開窰成造又稽時日俱就各地方所產選其中之最大而堅厚者應用所需石料亦於就近採備加以純潔石灰抵縫砌築俾可經久其小民時工部如照定例駁查汝等將所以不同情由聲明登答則工價不同俱因地制宜實給不使短少再修舉工程全在監督之員實心任事若委本處知縣既恐事繁不能遍及且恐胥役侵漁而浙省府佐又俱派解餉解銅買米押運各差閒員無幾臣等酌議

杭州城委杭州府孫國璽寧紹運副徐有緯嘉興

城委嘉興府閻堯熙嘉興協副將顧弘亮湖州城委

所委俱當應如是詳慎者朕特旨揀發與汝此數員知

府今果何如湖州府唐紹祖署寧波同知成泰陞湖協都司王

泚各令會同監督每府再派縣佐教雜及營衛千

把各數員分段管理并委杭嘉湖道徐鼎將嘉湖

二府城工統理稽查其嘉興城垣遼濶又有石門

等縣之工知府耳目難周臣等查有衢州府降調

知府靳樹德其居心操守臣皆不敢保而差遣辦

事尚可驅策該員甫經引見現任赴部改補今暫委其協同監督嘉府城垣倘蒙

殊批諭旨

二

三

李衛

校改倍加勉其大者怨忿盈懷任情放恣甘於暴棄
俞允臣方敢咨部留用統俟完工之日再行酌量具
又其次者下愚不移狗利志新樹德於斯三者之中
奏以上各條俱係臣等公議現在悉心籌畫實力舉
必居其二具文咨部留心試用看
行將各項核定另疏會

題外謹先覆

奏上慰

聖懷至臣前往蘇州面會江蘇撫臣陳時夏暨

欽差副都統臣李淑德等據諸臣言論江南承浙江諸
府之水會流入海原有黃浦吳淞江劉河三大口
其餘支流尚多而吳淞又歸并黃浦合流出口水
口疏通則水急力大足以敵住海水不使泥沙隨

皇土潮倒灌故無泛濫之虞而得灌溉之益今吳淞湮
塞全仗黃浦一股之水力弱不能相敵是以泥沙

漸淤鹹水浸漬江浙六府水道不能暢流均關利
害目今開濬吳淞最為要務又吳江長橋為太湖

洩水咽喉此地淤塞傾圯有妨於江南者尚緩而
確當與否目前亦難詳定但料諸臣非負國殃民之人
有礙於浙江者頗急等語一切議論甚為確當所
所計必不至大謬工程就緒後自然白黑分明也
有開浚事宜應聽

欽差諸臣酌議請

旨外臣查江南蘇松常等府俱係水鄉幹河支流不計

其數工程一與斷不能如江蘇撫臣陳時夏所請

十餘萬金可以濟事必須預為籌備足用方可臨
時無誤合併陳明謹
奏

朕意工程浩繁所費不止此數而陳時夏亦因有開捐
協助之請也

同日又

奏為恭繳

硃批原摺事竊臣前差把總於二月二十六日回杭齋

到臣所奏摺匣敬開跪讀之下蒙

皇上逐件批諭明切使臣得以遵奉至雨水過多摺內

更蒙

聖鑒訓諭以懺悔為先令臣知所修省今自仲春以來

杭郡

原屬蠶桑

粳稻之鄉

覽奏

三春

風景宛在

在目前

朕

連朝晴霽

心怡

然深慰

曾布種者亦得盡力耕耨米價漸減可卜豐年日

下浙省積案將完命盜頗少刁風大息繁難之事

較前稍有頭緒惟無知愚氓每好妄聽訛傳本月

初旬臣與將軍臣鄂密達觀風整俗使臣王國棟

分查河道前後公出先已遍為曉諭宣布不致令

皇仁軫念民生發帑興工愛養黎庶之

聖心凡有知識無不感激鼓舞省城之內甚屬安堵於

三月初七日有錢塘縣之安吉定南定北等鄉居民忽傳訛言云因向年有一知縣董天眷者曾到此鄉查賑不公被民毆打其時上司隱匿不究今伊子不知何名聞為御史奏請將此三鄉之民盡行處死以儆頑梗等語適值學臣考棚買備點名火把而將軍又從嘉興回省遂錯認為欲帶兵前往彼處愚民一時驚慌竟有連夜過江棄業躲避者江東一帶即蕭山縣龕山地方見錢塘鄉民有搬至彼地惟恐連累亦復搬移而龕山對面即係海寧亦聞訛言間有挈家躲去者當經營縣等官

輕騎下鄉攔阻指示隨皆醒悟安定而桐廬縣地方亦有乞食流丐聞知此事至彼傳說希圖愚民驚走可以乘間竊取米穀亦經地方官立時查禁寧靜如故臣勘河道回省途中接稟即星速簡明出示曉諭開導所有搬移之人悉已各回生業其紹興府城據副將汪虎山稟稱三月十二日因巡役拏獲數名與販私鹽之徒解縣收審跟隨閒看多人復又訛傳云有夥黨進城劫犯即時鋪面關閉居民恐懼奔匿副將隨同山陰會稽二縣親出曉諭眾心即定照舊開張臣更飛飭各地方官安

但務

須密訪方能式獲

輯靜鎮井令密訪造言棍徒重懲以杜紛擾臣素

愚

以為浙人尖巧刁詐或多大膽兇惡愚人者必自不意其愚昧

慌張膽怯一至於此總由性情虛浮語言不實好

為猜疑一騙即信是以臣到任至今所行禁令俱

從大處有礙者明白開導使之易於遵守不作苛

細推求致民輕犯而鄉愚無知猶有此等驚怖者

此或臣之措施尚未周到所致敢不益加勉勵雖

理應

據實奏聞者

暫時傳訛惶悚已經早安耕織然何敢不據實奏

聞所有奉到

硃批奏摺理合一併恭繳謹

奏

覽

雍正五年閏三月初一日浙江巡撫臣李衛謹

奏為奏明浙省保甲社倉情形仰祈

聖鑒事竊查浙省保甲如杭嘉湖三府人煙稠密戶口

繁多除紳衿有業商民餘多五方雜處時復遷徙

莫定寧台溫處四府則山海交錯居址零星不能

集成村落且有閩省流寓之人往來不一此又編

察之所難定者至於紹興一府雖原有保甲其中

尚有未妥每牌必有一二狡黠好事之徒巧借保

硃批諭旨

七

李衛

甲名色遇事科斂聯絡公呈卽匪類犯出亦必代辯稱爲良民甚有搬移入甲者無論姦良惟飽其慾便可安插此一府屬頗有受保甲中棍徒之累者雖屢經查拏尚難盡除其弊惟金衢嚴三府較之他郡尚屬易行但知縣一官職司通邑錢穀刑名多不能親身分往村鎮稽查未免假手吏役不無滋擾而知府所轄地方寬廣恐虛名無實故各屬亦曾有申覆遵奉者但以奉

旨力行之事臣何敢僅憑一紙空文遽爲輕信再社倉一項現今各屬雖亦報有捐輸者殊寥寥無幾緣

奏浙屬人情狡嗇止圖利已而未肯輕破慳囊之故也且社倉之法只宜勸輸獎勵聽民自便難以刻責州縣計期奏功此又臣所惴惴於中而不能釋皇上念者以上二事必期果有實績方不虛應故事臣竊觀現在籌畫設法分別辦理外近今河南撫臣田文鏡以民壯保甲捕務相爲表裏請歸巡察官順道就近查考今浙省十一府跨亙千有餘里其中山陘土陬海澨綿延曲折正慮臣一身未能遍歷前接准觀風整俗使臣王國棟移送膳黃內原有

敕內開載不盡者宜盡心訪察設法舉行欽此現在該

使臣週巡各屬清正和平辦事勤敏可否將保甲社倉及民壯之事亦請

聖主恩賜飭令使臣順道就近查考較之臣寫居省會僅以案牘為憑者自倍加切實臣謹繕摺瀆陳仰

祈

睿鑒如果可行伏乞皇上敕部議覆抑或容臣恭疏具

題統候

皇上聖明指示遵奉施行謹

奏

社倉非使臣可查考之事卽爾撫治其地為一省綱領亦只宜勸勉鼓舞不便繩之以法此事奏效原屬不易當年

聖祖曾屢諭社倉萬難舉行第未及詳論所以然之故耳

朕踐阼後多有建言社倉之益者因欲試行自初至今已歷數載深知其難不過留此一法為地方上有益無損之美政則可若勒令施行反成有損無益之敝政矣緩為之母急爾密囑王國棟於巡歷所至順道勸諭猶或庶幾朕飭令使臣就近查考儻奉行不善其流弊可勝道哉保甲民壯二事卽具疏題請

硃批諭旨

九

李衛

同日又

奏為再請

命發人員以備委用事竊臣於去年八月內因浙省計典在卽不無去取曾具摺懇請

揀發記名候補府廳縣官十餘員來浙備用已蒙

皇上前後

命發候補同知馬日炳成泰陞二員通判管旆寶善二員知縣周嘉梓石祕彭開宗李弘沂羅緒羅昱閻紹祖朱永齡楊維清陳誠陶起潛徐義麟等共一十二員又以知縣縣丞酌用田仲璞萬際清王維

恭朱簠魏大德等共五員俱陸續到浙除朱簠一員先經署理景寧縣今已病故外餘俱次第委用

俟察看各員果能稱職人地相宜再為

命題補實授否則調換試用現止剩有候補同知成泰

陞暫委署理寧波府同知押運之缺及通判管旆

寶善二員分頭差往送漕過淮買米等事又知縣

徐義麟一員委令監糶并前署鄞縣印務甫經卸

事之周嘉梓俱現在候委將次用完近又接准部

文申成章補授海寧知縣袁皞以仁和等緊要縣

缺題補此二員尚未抵浙查通省官員之內仍有

才短忠厚不能勝任又有錢糧不清被吏役朦混者諸如此類恐致貽誤地方除行令司道等官分別查實或應參革或請改教另爲具也又詳封陪題又新放紹興府知府魏觀及台州府知府楊滙至今日久亦皆未到臣已行文飛催赴任理事外此後漸無閒員可供差委似應再爲預請臣等誠命發備用知府二員知縣十餘員懇祈 聖旨 敕部卽令速行赴浙庶繁劇之省不致乏人於地方有益臣更有請者浙江廢弛日久多係難治之區每見初任官員常有不能辦理者仰祈 聖旨 未盡一

皇恩將已經做過一任現在候補者或京官部屬曾見辦事明敏者於中

揀發浙省方能獲有實濟臣不揣冒昧備悉瀆陳伏乞皇上睿鑒施行謹

奏

候飭部揀選發來其魏觀楊滙遲到原由併令查奏但人材難得卽揀發之員亦安保其必優總在爾等封疆大吏秉公體驗據實舉劾耳果能實力振刷一番不數年間將見官方整肅人皆可用之才矣治平之術惟在察吏餘無文法勉爲之

同日又

奏爲奏明藩庫新舊正署交盤已清事本年三月二十六日據藩司許容詳送冊結到臣查據前任佟吉圖經管一切正項錢糧出入數目俱已盤查清楚竝無虧缺出結請

題外其一應雜款悉皆盤清不少內中惟有佟吉圖從前接受傅澤淵解部京餉掛兌銀一萬三千四百四十二兩零向雖詳有未經奉行停止以前欠解俸工追出可抵但歷年徵收無多又據許容詳稱於雍正二年分因

題明發價買備添補夏秋二季兵米六萬石不曾議有分拆耗米以致虧少四千八百餘石雖係詳明俟徵完民欠南米耗羨抵補前項放拆之數然非現存有米可比又王朝恩任內代諸暨永康二縣未完米四百三石有零於奏銷時捏報全完雖現有欠款接徵亦非已經存倉之項又稱從前浙省奉文截留起運康熙六十年漕米部限已逾因嘉興等縣尚有未完漕米八千餘石經傅澤淵詳明取具暫貯縣倉實收一面勒追完解一面先將經管省中永濟倉之船政同知竝嘉松分司倉收以

全完報部後曾徵出九百餘石復被叅革知縣卞咸和花費無存經王朝恩改作地丁虧空報叅後僅陸續追完五百三十餘石又嘉善縣未完米二千五百餘石被叅革知縣彭憲祖虧空傅澤淵因報過全完難以叅處遂將民欠地丁抵數以虧空揭報已經追完米二千二百餘石以上二共虛懸尚未完米七百餘石雖於董永艾署事任內又續徵完米六百一十餘石其餘民欠恐難全完又於發價買銅解京項下佟吉圖扣回短給銀一千六百兩零不合作爲己之贏餘存庫仍應令其賠出

追還等語臣查前項各歷任未清那移尾欠雖均有從前議抵之款但許容旣稱非實在存貯者自應徹底完結始無諉卸之處前佟吉圖離任時曾詳報到臣有伊任內節省得餘銀二萬三千兩留充地方公用當經臣批該司經管正雜錢糧繁多必俟交盤清楚一應補足之後方可算爲備公多餘之項此際未便作准隨委仁和縣等眼同兌明存寄外庫緣佟吉圖匆匆進京不及詳開於何項名目節省餘出者臣久知其係於捐監項下及收發扣平竝奏銷所餘等類除已身用去所剩之數

今將其所留銀內照依許容開報各條盡行撥完
補足則佟吉圖以前各任正雜之項俱已全清矣
尚有餘銀三百九十兩零仍留存寄外庫連以上
舊欠陸續追出一竝留爲地方公事之需所有藩
庫新舊交盤各緣由備悉具摺陳明謹

奏

此佟吉圖大姦大詐之舉也其所留之銀既足抵補各
項欠缺自無枉罪之理

雍正五年四月十一日浙江觀風整俗使臣王國
棟會同浙江巡撫臣李衛謹

奏爲遵

旨覆奏事竊臣王國棟在京欽奉

皇上交發浙江改補教諭顧夔朱禾條奏摺二件

命臣到浙江時會同巡撫李衛將摺內所奏是否應行
有無裨益之處詳查覆奏欽此臣李衛隨移行凡有
棚民各屬并温州府及沿海水師各鎮協營確查
詳議准據各咨詳覆前來該臣等會查得顧夔所
奏稽察常山縣種麻棚民一事查棚民多係福建
江西之人在各處山鄉租地搭棚居住墾作者皆
以種麻種菁栽煙燒炭造紙張作香菰等務爲業

江閩兩省及浙之寧台溫處金衢嚴所屬共二十七縣皆有之不獨常山一縣也因其籍非土著往來不常從前亦設有稽察防範之法雍正二年今陞大學士張廷玉條奏奉

旨行查經前福建督臣滿保等會議以棚民之姦良責成於租地之山主工伴之好友責成於招佃之墾戶取結造冊照保甲之例編查願入籍者一體當差已回籍者不許復至等因會

題部覆奉

旨依議欽遵在案今顧夔所奏設立棚長保甲填給姓

名簿籍等事俱係部文現行條款毋庸另議臣等查此項棚民全在地方官撫輯得宜便可相安若漫不經心既恐姦宄混雜倘苛求驚擾亦足激成事端臣等現飭各府縣遵照前定規條實力稽察推誠相待勿令生疑畏之心馭役務嚴毋使受需

索之累若有作姦犯科必當小懲大戒責令知府汝等大吏但將此種棚民視為地方要務不時留心察訪則就近董率防閑於無事之時消弭於未萌之際倘或怠忽廢弛以及縱役起釁者即行嚴叅斷不敢

稍有因循以貽地方之憂也至朱禾所奏二事內請分永嘉縣治一條臣等會查得州縣若地廣賦

繁知縣一身不能兼顧則分治有不得不然之勢
今永嘉地方所轄止五十二都額徵錢糧止四萬
有奇不特與江南大縣糧額一二十萬者相遠卽
浙省各縣中錢糧倍於永嘉者甚多且自康熙五
十八年以前永嘉錢糧俱經奏銷全完近因知縣
不得其人遞年釀成刁健之風致有掛欠變爲難
治之區是以上年特請調用改補在案若得好官
振刷卽可更改舊習况係温州府附郭之縣尚有
知府同城可以稽督而南溪西溪地止有一十四
都額糧八千餘兩將此分設一縣殊多冗費現在

此二鄉錢糧每年夏冬麥禾收穫之後知縣俱親
往彼地徵收仍可辦理縣務若縣丞一官有解餉
出差之事反不能常久在家近又

題請佐貳分管巡查地方則縣丞移駐之說更可毋
庸置議者也又戰船停泊內港無人管理損具應
飭千把總頭舵人等常川在船看守一條臣等會
查得海洋戰船皆就船隻大小配定水兵三四十
名至十餘名不等內有捕盜什長舵工繚手斗手
椗手礮手等項名色皆係分管船內器械損具之
人各有專司至出洋時則又按船之大小配坐戰

兵自八十名至二十餘名不等皆在水兵額數之外巡滿回營則戰兵歸伍差操水兵仍留在船卽有私自回家者亦必留存一半更番替換蓋海港潮汐不常時有風浪掀簸船內礮火器械又皆緊要軍器營員斷不敢聽其拋泊無人經管看守朱聽其拋泊無人管理雖非處處皆然安可盡信必無此禾所奏殊非實情惟船隻終年在海鹹水浸漬每弊否則朱禾斯言何由而起耶總宜加意查訪爲是常必用火草燂洗以去蟲蛀朽蠹而兵丁懶惰者多有燂洗不勤之弊又篷縵日曬雨淋易於朽壞營員無力修整每不堪用經前督臣滿保題明於朋馬銀內按年支給修換而不肖營官於此

間指東說西不肯明言招怨亦未可知中侵漁不實力修整亦往往有之此皆朱禾未曾

船丈尺俱比部冊加長加濶乃係歷屆修造時每次增寬數寸積漸使然在文員則以丈尺加增工料費倍每執部冊爲辭在武官則以船身狹小配兵不多必以現船爲據兩說相衡自以照依現船爲長然亦有雖大而不適於用者蓋緣初造戰船之時海道尚未習慣船式每多笨重自開洋以來人與海習熟極生巧現今商船內有名爲爛鼻頭及快哨等船式樣輕靈駕駛利便往來海洋更爲

得用今各營戰船內如水艍犁繪雙篷船等號大
船原以壯軍威而出大洋備用毋庸議外其沙唬
哨船等項率皆平底布帆內洋戢駛遲鈍外洋難
經風浪若稍為變通於屆當拆造之時酌量更改
式樣亦屬因時制宜之法但改造船式所費工料
較前不能減少更須加增故未敢輕舉緣戰船事
宜定例係總督衙門專政先經會商行司查議統
俟福建督臣高其倬會核如有可行另再請

旨外合併附摺奏

戰船更改式樣甚有關係朕未洞悉不便批諭
聞所有奉

旨交臣王國棟之原摺二件理合恭繳伏祈
睿鑒施行謹

奏

覽

浙江巡撫臣李衛謹

奏為恭繳

御批事竊臣前差進摺千總於四月初六日自京齋回
聞今臣所奏摺匣到杭敬開跪讀於臣奏覆監修城垣
摺內欽奉

御批朕特旨揀發與汝此數員知府今果何如欽此臣

殊批諭旨

二

六

李衛

查杭州府知府孫國璽初到時此人將來未可限量加意作成之臣見其為人明白勤幹已經附摺奏

聞今數月來辦事敏捷決斷精細於繁劇之地亦係優等從容暇

豫洵屬才幹之員湖州府知府唐紹祖人甚明白

性頗浮滑操守稍平若駕馭用之人地相宜嘉興

府知府閻堯熙立心欲做好官操守謹飭但其人

辦事粗率未能覺察吏役弊端現有交伊辦理數

事內多錯誤不甚妥協者臣指出其受人欺蔽之

處教以防閑懲治之方若能從此策勵尚是可用

至寧波府知府孫詔台州府知府楊滙紹興府知

府魏觀近今俱已到任孫詔前為徐州知州時臣知其居官勤慎和平立心要好才守俱有可觀頗

稱循吏惟畧帶軟弱使能再有風力便成全美楊

滙青年廉幹議論吏治尚有公子習氣未脫可以

造就魏觀曾為紹興府之諸暨縣於地方風土亦

能熟悉此三員皆到任不久再當試看以定等差

因奉

旨詢及先以大槩覆

奏至浙江近日訛言俱已全息各處百姓悉皆安堵

如故其為首造言之人臣嚴加查訪聞平湖縣有

一戲子在松江地方聽有訛言奔回搬起隨飭府縣拏訊供出此言得於伊之妻父及拘獲到官又實係隨衆搬移並非倡首之人桐廬縣則係乞丐數人從省城而去傳播訛聞希圖乘人匆忙竊取米穀又省城曾拏獲一城隍山道士審明亦是轉聽傳言非實在爲首者臣見訪聞之言仍有未確恐再一搜求衆心惶惑隨將事後傳說之人分別應如是發落以安反側

柳責發落一面留心密訪倡首棍徒盡法重懲以

仰副

皇上息事寧人之至意再通省春熟浙東之寧紹金衢

嚴溫台處八府於閏三月初旬得有時雨麥俱豐收其種早禾之處已經插秧惟杭嘉湖三府春雨過多低田豆麥所種無幾高阜處所有六七八分不等今年蠶種比往年較少桑葉甚賤蠶繭有七八分收成上年被水各縣蒙

皇恩賑濟臣前因冬月民食尚可支撐請於今春蠶事之前散給今於三月望後委杭嘉湖道徐鼎督率各官親往各縣鄉村查明實在窮民逐戶散賑以助養蠶口食又將截留漕米并買回四川之米撥運各處設厰分頭平糶值此青黃不接之際小民

既得官米接濟而嘉湖等處城工正在興修卽無力窮人又可傭工得錢爲糴米之資萬姓歡呼莫不感頌

皇上天高地厚之恩理合附摺奏

聞上慰

朕心深慰

聖懷所有奉到

硃批奏摺一併恭繳謹

奏

聞浙省風氣近有不變景象朕甚欣悅浙俗雖云刁詐而不涉於獷悍且讀書講理之人居多向因習染所污

遂致流蕩忘返一覺卽悟仍可復初革舊維新之效朕有厚望焉其勉力化導無或稍懈

同日又

奏爲奏明浙省現在營伍情形仰祈

睿鑒事竊臣荷蒙

聖恩簡畀重任圖報無由每深悚惕所有地方武職營伍事宜雖係督提二臣專責但臣職銜開有提督軍務之任固不敢逞能以邀功亦不敢置身於局外今一年之內凡臣所經歷及耳目訪聞之處隨事留心畧得梗概竊見浙江兵丁漢仗平常弓馬

軟弱遠不及陝西而肯學技藝紀律整齊警敏相
尚若棄短取長緩急猶為可用從前營中雖有空
糧而近年公費之外虛冒尚少甲械雖不能處處
充足亦不至於空虛朽敝操練雖不能無勤惰之
分然不敢竟為廢弛就臣所見而論如江南係臣
原籍其營伍大不能如浙江卽前曾經過之湖廣
此奏實係聞所未聞出於朕之意外若非爾親知親見
竟至難以聽信浙江營伍殊不料能如是也西北而尚不得謂之大不堪也近蒙

皇上特諭挑選陝西營兵一百名發往浙江教習將來
得將弓馬強健之處操練學熟皆出

聖主鼓舞轉移之妙用矣至提臣石雲倬為人正氣辦
事勤敏其感激

聖恩實心報答之意出於至誠如請以提標右營改用
水師督巡洋面籌畫甚當但諸事急求見好未免
此係實心任事人之通病所奏甚是知道了畧驟恐非因地制宜之良法臣愚以為凡初到地
此論確當

方必將事之利弊看透逐漸整頓庶幾令行不擾
亦可以圖永長否則屬員難於奉行其法卽不能
經久臣於營務之事必與提臣商議而行提臣亦
常有字來令臣參酌但提督大員兵馬是其統轄

皇上臣係同僚於其已行之事不便再言惟有懇乞

皇上於伊奏摺中再加開導使之善用其長漸次料理則諸事全美而浙江營伍竟可省厘

是

聖懷矣再定黃溫三鎮竝統水陸最為緊要溫州鎮邊士偉之怪僻顯露於外意高氣傲而胸襟淺何能士偉操守管兵俱好但性情乖張不識大體與地與人款洽原由左江鎮調回今復用於溫州朕因其欲求見好之心真切可取耳前於石雲倬陸辭時曾經備面盜賊更屬茫然溫州為閩浙海汛交衝該鎮有悉曉諭諒伊自有斟酌總巡之任似應仰請

皇上酌量調換方於海疆有益定海鎮林亮聞其水務

若能戒貪乃好總兵

膽量俱好而操守行事平常今甫經到任未見設施黃巖鎮自昏憤之馮廷輔去任將來新鎮到後

自必鑒戒前車另有振作此二鎮俱俟共事數月

後詳察確實另為具

觀其人似屬愚闇一無知識者其居官又極勤

奏其處州鎮王安國曾經出兵人頗老練而性情粗

慎殊不可解

偏才具畧鈍該鎮從前

奇

奏明四季巡查地方亦是不肯偷安留心防範之好

問人處但總兵四季出巡隨從人多山僻營縣往還伺審若不便可即言之石雲倬但朕意以為煩擾事小防候不無煩擾若每年於春冬二季農隙之時巡查範益大爾酌定其宜然後與言

聖明自有洞鑒臣謹將見聞所及據實具

奏至於各營將領循分供職者居多今年軍政屆期

統俟督提二臣會核甄別惟水師各營舊人已少
為此居嘗屢念其奈之何平時選擇言之似易而得之
實難朕無日無處不選擇也豈必水師陸路亦然文員
皇上慎重海疆隨材器使固毋庸臣之瑣及者也為此
之難更倍於是矣
繕摺奏

聞伏祈

睿鑒謹

奏

新授黃巖鎮董一隆向未悉其優劣於引見時觀其人
甚巧黠才具不過中平因係閩籍自云熟諳水務故爾
擢用今職近日訪聞品行頗屬不端居心詐偽善於逢

迎云云於伊莅任後其細加察訪密奏以聞

同日又

奏為覆

旨事竊臣前摺附奏寧波府城坍損應修緣由奉有
御批臣遵卽行令布政使許容另為酌議款項設法興
旨對修理合先行覆

奏再查海寧縣城亦多坍損南門之外數武卽係大

海潮水衝激不常設有浸灌更難堵禦查原任翰

林院編修查嗣璫係逆惡查嗣庭之兄上年奉

旨拏解於王以言揭帖案內審據供出前為北直學院

殊批諭旨

二

三

李衛

考過正定順德廣平大名四府卽託病回籍雖稱
止有田六百畝房屋四十間當本四千餘兩等語
諒亦不止所供之數今該犯已經解京其罪應聽
部臣核擬從重歸結所有家產前因原係奉
旨提拏未曾行令搜追看其光景雖無厚蓄重貲或有
隱藏之處況伊弟旣犯滔天大罪若將查嗣琛家
產儘數查出變價爲修理海寧城垣之用有餘卽
此案已有旨矣況工費浩繁亦無濟於事奚用是爲
疏濬該縣河道似亦允協應否具
題或卽於
奏明後奉行伏乞

皇上批示欽遵爲此謹

奏

覽

雍正五年五月十一日浙江巡撫臣李衛謹

奏爲恭繳

御批事雍正五年四月十三日臣所差齎摺材官自京
捧回臣前奏摺匣到杭臣敬啓跪讀欽奉

御批奏摺四件內社倉察吏二事蒙

皇上指示明切誠爲千古卓識治道要言帝典王謨無
以踰此臣當終身服膺實力遵循不敢頃刻暫忘

其備辦地方公務一條現在另摺覆
奏保甲民壯一事已經繕疏具
題所有原奉

御批相應恭繳外浙省今年蠶麥收成前已將大概情
形

奏明白閏三月以來雨水調勻各屬禾苗俱得及時
栽種五月初旬係黃霉時候雨覺過多若再連下
不止於別府無礙惟湖州地勢低窪插種恐有愆
期幸下流河港開濬今年水勢消洩較前頗速若
此後即得晴霽則豐收可遍於全省矣合併奏

聞謹

奏

朕希冀

上天惠賜大有之念今歲倍切何以言之茲命直隸以至
各省督撫及守令通行耕藉典禮當此創始之年儻能
幸遂所願既可大啓愚蒙敬信之誠益足昭示

天人感應之理據各省奏報春收景象頗稱豐稔畿甸目
下雨水亦屬均調卿等當各秉精虔以俟秋成不過轉
瞬間事耳

奏同日又買

硃批諭旨

三

李

衛

奏爲奏明買回川米平糶情形事竊照浙省杭嘉湖三府地方因去冬今春雨水過多米價較往年稍昂現在青黃不接之時幸蒙

恩准以臣分發買貯之穀抵運閩省將截留漕米十萬石分於各縣平糶正恐不敷今於閏三月內據前委四川買米之同知谷確等陸續運到買回之米計川省市斗共四萬七千一百餘石每一石較浙省倉斛合二石三斗有零除川河過灘損失之外實有浙斛米十萬五千三百餘石統算買價運費及攤補損失之數千石外每石止約價銀九錢五

分零較之客商販浙之米每石已賤至四五錢不等正值需米之際隨差人沿途知會分運湖州府各屬三萬六千石嘉興府各屬一萬八千石其餘俱運至省城當卽查驗米色因途中多雨不無潮氣恐難一概久存隨斟酌將最乾燥者收倉其餘令各州縣分別兩項將一項於城鄉市鎮多設廠所委員分頭監看零星糶賣以一斗爲率照時價每石多減數錢使窮民沾惠又恐廠所不能周遍住遠者未得均沾將一項減價發與鋪戶亦令照所減之價量加折耗餘利轉賣使之周遍僻壤其

貧窘士子令各教官領米少許於學內分糶乏食
兵丁令各營員分給於月餉繳還一時士庶兵民
莫不感頌

皇恩歡呼載道臣查小民現在得食平價之米不覺艱
苦若無此米接濟則民力竟難支持至平糶之價
雖比時價減少而較之買運原費仍有多餘此時
雖未糶完銷算大約一萬數千兩之贏餘可以溢
出是此番買回川米實於浙省大有裨益惟是臣
前摺內曾奉

御批過多亦恐於川民有損欽此仰見

聖慮周詳普天均邀

覆載至意但臣平日深知四川產米頗多價值甚賤故
斗斛之大倍於他省今雖買回浙斛十萬餘石而
在川省僅算賣出四萬七千餘石細詢買米官員
川民因見好銀照時平買咸皆踴躍止在重慶府
一處自十一月十五日起至十二月初五日止二
十日間卽已買足其於川省出產之米不至虧損
可知然臣前已

題咨明白倘彼處米貴卽以銀兩留貯川省藩庫俟
價平再買必不致令因此高昂以病川民況浙省

向日多藉江楚之米彼地原有從川省販來者今
既自往購買則江楚客商所販川米亦可留於江
楚濟用使三省刁民無可借詞遏阻設或浙米平
原屬俱有神益之事但爾一身擔荷非輕全賴委任得
賤更可儲為閩省接濟之需此誠一舉而數便者
人方無失誤也惟是此米運回時各處關口俱遵定例米糧不
收稅銀惟管九江關之饒南九江道劉均不以臣
與該省巡撫移文轉飭知照為准雖未濫收米稅
然借稱船隻報料名色留住船戶不肯放行除收
去正稅銀一千五百四十九兩之外又百搬措勒
加耗平頭雜費銀一千五十七兩零現在移文江

此次自當移文嚴查將來如再有買運之舉亦當嚴飭
西撫臣查覆若無此項多費價值更當減少臣愚
米船勿令包攬生事
以為上年初次試行實有成效仰懇
具疏題請
皇上天恩今年再准動銀二十萬兩早為委員及時赴
買得於歲前運回則冬月米色乾燥可以收貯備
夏秋米價貴時之用不但為浙省百姓省數萬買
米之銀且四川得銀完納錢糧而所動庫帑仍然
現在則緩急可有儲備百萬愚氓感戴

高厚隆恩於無涯矣可否准行另為補
題抑或
奏明奉

旨到日臣卽遵行於七月初旬委官起身方屬妥便伏
祈

皇上睿鑒臣未敢擅專爲此謹

奏

據奏七月初旬委官起程等語何須如是匆匆旣動帑
金二十萬則非去年試行可比仍止差委一二員路途
寫遠照顧難周若選擇多員不特堪信託者難得其人
且恐浙省未必有如許閒官此重務也極宜慎始慎終
勿因前舉就緒遂爾高興輕視設慮違踰時日何不先
發四五萬金遴員前往餘俟該部議准然後陸續遣差

亦不爲遲朕謂此事數萬金以內料必妥協至二十萬
之多難保其全美也慎爲之母忽

同日又

奏爲據實直陳以備

聖明採擇事竊臣荷蒙

恩命兼理鹽務因前任鹽臣謝賜履移交

敕諭內開載坐名不同浙省又無撫臣兼理鹽政舊規

可遵是以仍照鹽政從前成例咨詢都察院請示

今准咨覆已經議奏令將前任謝賜履

敕印繳回用巡撫印信辦理鹽務奉員齎遞

旨依議欽此等因到臣隨經欽遵差員齎繳進京
題報在案但臣伏讀原奉

諭旨督撫敕諭內有無兼理鹽務字樣爾等查明應否
頒給之處議奏欽此是

皇上查議者止於

敕諭應否頒給而都察院遂將印信一併議繳似於錢
糧衙門關係防範之處猶未爲盡善臣愚昧之見
竊謂鹽課錢糧各有奏銷考成鹺規場政各有經
管職掌事務雖在一人兼辦案卷仍宜兩處分清
則錢糧無混淆之弊者一也從前鹽臣雖不受督

撫節制然私鹽犯案督撫竝詳商竈弊端督撫稽
察錢糧之出入政令之得失督撫衙門皆有案卷
可攷實於平行之內微寓牽制之權立法原有深
意臣自在雲南以藩司仍管鹽驛道并今於浙江
兼理鹽務俱不敢以事皆一身所辦遂改舊章凡
其中有關係者仍然彼此衙門行文立案以備日
後稽察庶可防吏蠹朦漏之弊者一也各省引鹽
多有行銷於隣近外省地方非盡係一處督撫所
轄若槩以撫印行文發票遙制隔屬誠恐鄉僻愚
民不能遍將改用印信之故家喻戶曉未免滋生

事端且各處鹽法辦理多有不同之處如浙江鹽政衙門雖案牘不繁然除引目之外又有水程憲單隨衆商完課多寡領程分發運銷者更有常山單票以及廠鹽牙稅各種號記等類俱用鹽政小印鈐蓋爲憑以別官私俾沿途關隘渡口塘汛查驗放行習於故常耳目不擾此官守無侵越之弊者一也況督撫關防有封疆地方重務干係而商賈肩販貿易皆藉以爲憑體統頗覺有關每年春冬凡遇四所八次掣鹽之期連前項各件日須用印纍萬盈千模糊甚易而浙江巡撫衙門諸務繁

劇終日鈐印亦復不少空時尚可兼顧一遇壅擠實有竝用不遑之狀更屬難於兼施仰惟

皇上推誠布公因人任使惟期合宜今日管鹽之督撫自無所容其稍存私心上負

聖恩然防微杜漸不可不周似宜各用本管印信使合而爲一者仍可分而爲二庶目前之職掌不淆將來之掩飾可杜矣臣愚陋寡識偶有所見不敢以憲臣既定之議輒行緘默緣係已經覆

准之事故爾不便於前

題疏內聲明爲此繕摺密

奏是否有當伏乞

聖鑒施行謹

奏

此事前經與廷臣講論巡撫兼辦鹺務不過一時權宜非同久遠歸併伊等議繳鹽政印信朕意原不深以爲然茲爾奏請仍分爲二洵屬有理但朕不便特諭其將情由備悉聲明具疏題奏候另旨准行

同日又

奏爲請

旨事竊查杭州西湖上向有

聖祖南巡時駐蹕

行宮內貯當日鋪設玩器椅桌等物設有兵役守護竝委

寧紹分司掌管雍正三年七月間被賊踰牆進內竊去爐盤等物彼時懈於追緝賊未獲報及雍正四年十二月初二日據報又被賊踰牆竊去玉器等物臣不勝駭忿立傳地方文武官面加嚴諭

行宮重地豈容屢次失竊皆從前怠忽以致宵小覬覦此

案若三日不能獲賊一併嚴叅重處伊等恐懼上緊訪緝果於初四日卽據杭協副將暨該府縣等共報緝獲賊犯徐大方大來併起出先後二次所

失原物二十餘件前來隨加嚴訊徐大係開濬西湖之夫頭方大來與閩人李天福在伊名下充應小夫常進

行宮做工熟識路徑故爾徐大起意偷竊其第一次係方大來李天福二人同竊變賣價值則與徐大三人均分至第二次因李天福已經回閩乃係徐大方大來同竊其物變價無多埋於其家臣卽發按察司追起原物併根究賣與之家著落查追還價今據搜獲埋藏及追回已賣者所有兩次失去原物悉已起獲竝無缺少現在飛移閩省務拏李天福

解浙併案究擬間臣查徐大等雖係當夫窮人但敢於重地肆竊至再情罪難寬若依律擬斷則既在郊外又係鋪設玩器僅可照盜官物滿貫分別首從絞流實不足以蔽辜又難擅用不便照律擬罪之語以違定例事關

聖祖行宮重器更不敢輕冒具

題竊思類如此等之事外省常有立即處死者但若輩未見明正典刑不知懼怕猶爲易犯懲治盜賊法宜從嚴可否毋庸

題達照福建督臣高其倬前在雲南任內處置魯魁

賊之案請不可此竊盜也依律處斷為是旨到日將首犯即行正法從犯割斷兩邊懶筋借此一

割筋二人使匪類知所做戒抑或俱行盡法痛處後併割筋使其終身不能再為盜賊之處臣未敢擅

或庶幾可專伏乞

皇上睿鑒指示欽遵謹

奏

朕為

皇考駐蹕行宮一事曾經再四籌度尚未及宣發諭旨

雍正五年六月二十七日浙江巡撫臣李衛謹

奏為恭繳

御批奏覆下悃事竊臣前差齎摺千總回浙捧到

御批奏摺臣隨敬謹啓匣跪讀摺內欽奉

御批事理除黃巖總兵董一隆臣亦聞其從前係平常

之人但到任未幾現在密訪確實再

已調伊陛見朕欲再加審視奏鹽政印務一事容臣另疏

題請外伏承

諭旨以浙省風氣近有不變景象上慰

聖心命臣勉力化導查浙省民風素稱刁詐而習俗柔

靡不至獷悍誠如

殊批諭旨

二

三五

李衛

聖明洞照復荷

皇上教養董勸出於至誠而陞任觀風整俗使臣王國棟於觀風使一任實能無忝厥職今以許容接替或恐不及然觀其立意頗純未免稍涉滯濁耳

聖化實心訓導風俗人心果然漸見改革卽如計叅之原任太平縣知縣張士驤衰老昏庸已經卸事之後新署縣閔紹祖接受交盤時將倉穀量出一升拋於水中如有飄於浮面不沉者卽以虧空補揭百姓見其過刻共爲不平情願零星公捐三五日內將算少之一二千石盡數代爲補足又如嘉善縣素稱難治之區因該縣李天桂徽瀾漕米被叅

解任後衆民以該員到任未久緣天雨所致爲地方受累別無他故隨公同樂輸捐出米價銀二千

欣悅覽之

餘兩今歲豐收可以買足補倉此歷來少有之事現今通省錢糧完納頗好雖杭嘉湖所屬去歲被水九屬停徵此外較上年所完總數亦能多出且邇來命盜稍減詞訟漸少火災頓息海不揚波此皆我

皇上過化存神之妙臣敢不仰遵

聖諭竭力化導但一身不能周遍惟在府縣得有好官則臂指之用可收實效其知府如孫國璽唐紹祖

殊批諭旨

二

三

李

衛

閻堯熙魏觀孫詔楊滙等居官才力已蒙

御批逐一指示無不確當即現在諸府之中漸覺勤慎者不乏其人惟年來新任各縣內止有鄞縣楊懿奉化縣魏大德才堪辦事錢塘縣秦炳初到生疎今已熟練且立心學好竟能稱職其餘勉力支持者多臣督率各屬盡心整頓昔日刁疲之邑目前頗有改觀惟仙居天台武義永康等縣本屬小邑而為前任不肖數官接踵因循錢糧累欠事務廢弛變成最疲極玩之區他如秀水嘉善海寧德清人材原屬難得如不得已亦惟有將試用不及者去之實皆繁劇難理初看可以勝任者試用之後漸次

復以新來者試用之耳除此更無別法若少避輕於棄取頻為更換之稱職甚難其人今蒙聖恩揀選各省舉人發浙補用已陸續全到臣屢次察看其在

亦須明試以功

皇上揀發十一員之內人材頗好於中擇其明白爽幹者現遇缺出委署任事至部內分派試用之六員似有不及誠恐到任後未能辦理又多更換之煩分發之說甚善朕尚欲以汝此法論令直省通行現在分發道府各衙門令如古時幕僚之職效用使之熟悉民情練習吏事再加酌量委署又處州

鎮總兵王安國四季巡警一事臣已遵

旨與提臣石雲倬商酌只作臣等之意將應否兩次巡

硃批諭旨

二

七

李衛

查處作書婉致總期兵民不煩地方有益以副
好睿懷再臣請買運川米仰蒙

聖慮周詳思深計遠非臣淺見所能窺及又蒙
皇上憐臣一身擔荷非輕特加

恩諭令臣感激無地伏思臣惟自矢樸誠凡於辦理公
不計利害勇於有為固屬臣子奉職之誼然國家事重
事不敢計較利害避難就易即如今春運閩穀石
究宜其難其慎籌慮始終為貴

因恐遲誤風信代為航海起運以二十餘萬石之
穀涉歷浙閩洋面人皆為臣顧慮及二運開行時
因汝急公之念出於至誠感蒙
連日暴風迅發臣亦深切憂心而各船或飄回乍
天鑒照神明祐助遇險獲安此後尤宜加慎若以為盡
浦或收泊山嶼風息張帆各得平安兩運數百餘

屬不妨一惟逞心肆志則又涉於行險僥倖矣如何其
號海船竝無一舟損失此誠

皇上憂民心切有以感格

上

蒼而愚戇如臣得免隕越莫非

天

聖恩廕庇之所及也臣前因浙省儲蓄甚少未知今歲

道論要須己身能以忠誠感格方明廕庇之休非朕力
所可及也

貯今浙省入夏以來待雨之處頻降甘霖望晴之
鄉常逢皎日各得其宜目前浙東早稻現獲豐收
浙西晚禾亦皆暢茂以

皇上敬

天勤民重農務本自有

硃批諭旨

天

李衛

天人相應之理今歲年景可卜大有米價定然平減據現
在情形自應因時變通不必膠執前議當遵

旨於七月初旬先動銀五萬兩遴委的當幹員前赴湖
廣彝陵州一接著川省客販之米照依民價糴買
運回以省川江遠涉之險仍備帶川湖二省咨文
令其隨時斟酌若客米不甚相宜或仍往川採買
擇便而行至此此外應否再買且俟各府晚禾定準
將次告登之前量出米之多寡價值之貴賤如仍
需用酌定動撥數目再為
好
題請一面動銀或往四川或往江楚或就本地惟視

行宮物件一事

米穀有餘之處隨便採辦臣當悉心慎籌斷不敢
輕率貽誤也至臣所奏偷竊

諭旨開示甚明現在遵

旨發落至臣尚有管見另行具摺陳
所陳意見甚好知道了
奏伏祈

睿鑒施行謹

奏

同日又

硃批諭旨

奏爲奏請

聖鑒事竊查太湖界連江浙數縣地方水面遼濶港漚錯雜素爲兩省盜賊鹽梟出沒之所臣曾兩次親至其地巡查察閱實屬緊要之區現經督提二臣會臣具

題請於大錢要口添設守備一員并調撥各營兵丁增汛設防在案但此添設之守備必得熟習地方材具敏幹之員方於防緝有益今查該營大錢口千總張雲煥在汛有年諳曉太湖各處情形臣巡查時見其年富力強弓馬可觀辦事勤謹委令緝

奏拏匪賊實心察探歷次捕獲數名因福建督臣高

其倬

在

年

八

月

二十

日

准

李

瀚

題

題請添設守備時尚未將該員調考不曾親見其人奏是以於添設之守備議請歸部銓補臣接准會稿旨欽隨將張雲煥熟練此地情形堪以勝任之處會商具題今准督臣覆稱已經拜疏難以再爲續命題若俟議覆又恐銓補之員人地未得相宜聽臣就睿鑒近奏請

聖鑒等因臣爲緊要汛口起見何敢推卸除一面知會奏提岷石雲倬外理合具摺題回否哨以張雲煥

硃批諭旨

二

罕

李

衛

心重受賄縱私無人不然卽盡加黜革而所換新官仍復如故此場官之不可恃也又未嘗不以巡私緝私之事責之廳縣汎弁而各官俱有地方公事豈能每日親查所差巡役兵丁又皆微末下人更無身家顧惜多將大夥賄放僅拏一二小販塞責此巡緝之不可恃也從前皆差有鹽政衙門承差督率商家僱募之巡丁各場查緝臣見其未能實心出力又不得已而差本標弁日帶領兵丁沿河遊巡梟等久已知風暫爲迴避亦難收有實效因思臣向日候選時往來京城曾有山東兗州府

人韓景琦常爲人保送錢糧上庫頗有膽力今雖捐監在籍其人勇於向前立心忠幹隨傳其來浙令伊帶兵巡緝遇有私鹽卽行截拏現在擒獲大夥積梟數起究審發落因知官鹽之壅滯總由私販之衆多而竈戶之賣私總在場官之賄縱惟有專設巡鹽員弁以緝私更換實心場官以稽竈庶可漸次杜絕查浙地私鹽出沒之所獨海寧海鹽平湖桐鄉爲最且係嘉湖二府販私門戶而海寧之長安鎮乃其往來適中孔道請專設巡鹽營把總一員兵一百名在此鎮分巡隘口歸臣標左營

管轄於海寧等四員及嘉湖要汛接壤江南之處
周圍巡查選募勇健兵丁充當以商人向日僱用
巡役工食給爲月餉不足者卽以所獲私鹽變價
添補請將監生韓景琦給與把總劄付俸薪帶領
各兵巡緝三年果能有效授以千總職銜仍留營
再緝三年如能始終不懈各處得以銷引保

題到部以守備陞用俾將來巡緝員弁知所鼓勵但
恐兵少地廣不能周巡請於撫標額兵八百名內
抽派一百名酌委千把總一員幫同巡鹽把總協
緝稽察俟一二月後酌量調換使不致久而熟識

作弊此緝私之一法也至各場員官卑職小惟知
利慾熏心萬萬不能改革應將現任場員分別優
劣酌量咨部改補請以捐納候補候選錄用之同
知通判知縣等官如有家道殷實情願效力者發
浙量才分往各場管事專司杜絕私煎私賣之責
俟三年實有成效卽予保

題請
旨敕部准照原銜卽用如有仍蹈故轍劣蹟昭著者叅

革治罪伊等原有身家自能顧惜功名實心出力
此稽竈之一法也至於所轄江南數郡除徽州

屬每年實可多銷其餘鹽政情形更有與浙不同
應爲另行設法者蓋緣蘇松常鎮各州縣四面水
鄉港汊雜遝巨梟大舫百十爲羣巡捕兵丁力難
制伏卽如一女梟沈氏久慣販私聯結黨羽徐二
等大船裝載動輒統衆執械拒捕逞兇傷兵毆官
橫行於兩省之間犯案纍纍皆莫能制臣訪聞檄
拏已久該犯聞風逃避難於弋獲近有松江府海
防同知金文宗頗有幹才臣委以督緝之事甫及
數月親往密探將沈氏設法擒獲并拏羽黨數人
現在行提解浙審擬嚴處然此外餘梟私販尚多

豈能淨盡雖松江鎮江俱有提督將軍駐劄未嘗
不差委員弁帶兵巡緝奈旗營兵丁無不買食私
鹽所以竝無實效又江南止有松所四場民竈雜
居向俱就團買食賤鹽孰肯捨近圖遠加以私鹽
橫行商皆虧折消乏棄業逃亡上海南匯二縣數
年片引不銷現據上南二令紛紛詳請欲以引課
攤歸田畝因與鹺例不合尚在飭議未定以臣愚
見非大爲變通不能補救莫若將松所之浦東袁
浦青村下沙四場場官於前項候補同知等官內
再選最爲殷實有身家者令其管理各竈所煎之

鹽盡入官倉除商人收買外餘剩者請借動鹽臣
筆帖式歸公成規項下銀兩交與管場各員照依
場價盡數收買再擇商人內之殷實者將鹽發與
領去如能照引數完課聽其歸完本銀自行配銷
倘不能完課則於原本之外酌量增價些須令其
領出於城鄉市鎮多設店舖賣出價銀按季繳還
場員卽以此銀源源買發多出之價作爲贏餘逐
年將數目造冊報部查核此四場事務更爲緊要
難辦管理之官三年內仍行考核保
題果能錢糧清楚引鹽多銷上等出衆者以原銜應

陞之缺准其卽陞至急公稱職稍次者照其原銜
卽用倘照舊無益者分別叅革在竈戶鹽旣得售
必不賣與私販而梟徒無鹽可買亦可望其改業
旣免無知愚氓多罹法網且使平素不銷引之縣
得以疏銷則歷來多銷之處皆可溢出課額卽管
理之各場員先使習學歷練亦於將來臨民有益
臣因鹽法頹敝已甚不敢緘默因循亦不敢草率
題請合先具摺陳
奏是否可行伏祈

聖明睿鑒指示欽遵爲此謹

硃批諭旨

二

聖

李衛

奏

既欲太爲變通以清錮弊自應具題交部議覆方可施行將摺內冗長之語酌量刪減具疏題請可也

雍正五年九月十九日浙江巡撫臣李衛謹草率

奏爲奏

聞瑞穀雙岐恭呈
御覽事欽惟我

皇上御極以來太和翔洽嘉禾瑞麥應候挺生不一而足茲於本年九月十七日據杭州府仁錢二縣帶領農民王天佑等獻到瑞穀一莖兩穗并有旱莖

聖明三穗者數本又稱聞得各處甚多皆產自田間竝
非人力所致臣欣瞻之下歡忭非常隨親往郊外
查看果又取到數十餘本伏思別省嘉禾屢見久
著靈異而浙江特邀

聖主景福幸觀奇祥萬戶千家歡聲雷動且今歲雖有
數縣偶被蛟水不過經由鄉村幾處而通省早晚
二禾暢茂豐收各有十分九分次者亦足八分收
成其穀皆比往年結實礬米更多目今正當刈穫
之時天氣晴和米價頓減再得半月開霽晚稻盡
皇土皆登場人民樂業歌頌太平此皆我

硃批諭旨

二

聖

李

衛

皇上仁風普被

聖德光昭是以嘉兆頻年疊見臣幸遇

昌期中心踴躍敬將近省瑞穀數十本崙差馳

進恭呈

御覽臣不勝慶幸之至爲此謹

聖奏景詠幸

所呈瑞穀朕欣悅覽之另有諭旨頒發

同日又

奏爲敬陳愚見以備

聖明採擇事竊臣查奉

旨命往浙省候補知府秦休臣與之素無謀面到浙時

皇上見其謹慎老成因委令署理紹興府印務所行雖

無過人出衆之事而勤敏老幹民情帖服洵爲稱

職績又前後兩奉

諭旨以顧濟美補授浙江紹興府知府員缺以秦休補

授廣西潯州府知府員缺仰見

皇上因兩缺緊要臣官部熟辨育志向士謹大學賢

特賜選補以重地方臣隨另委候補知府江承玠暫行

署理紹郡令秦休離任交代在案但臣竊思紹興

一府雖非比杭嘉湖難治然亦屬繁劇之區今卽

硃批諭旨

二

李衛

刁風稍息而其民情大率粗知律例小有幹才非
慤實老練之官不足以消其好事之習似於秦休
補恩人地相宜其顧濟美一員臣記其曾任雲南通海
皇十縣知縣為臣屬官時頗稱有志向上勤力學習在
彼時雖尚屬初任未嫻吏治而臣離滇已有兩年
該員自必更加熟練然較之秦休識力似覺少嫩
且其原籍蘇州離紹郡所轄亦在五百里相近若
以補授浙江事簡別府員缺更覺得宜伏惟
皇上簡用人才自有
乾斷微臣何人敢於輕為瀆

偶有所見即行上陳朕甚嘉之但顧濟美乃係特意用
奏但臣愚見偶有所及亦不敢緘默不言是否當
之耳 恭候

聖明採擇臣不勝惶悚之至謹

奏

顧濟美堪勝紹興一任朕可保之初意原令仍回滇省
補授府缺因伊奏稱母老所以就近用之次日將其原
籍與紹郡相近之處亦經具奏於應對之間觀其立志
甚有足取朕謂浙省各郡守除孫國璽外餘人未必能
出其右也

奏同日又

殊批諭旨

六

李衛

奏爲奏明浙省歷來辦銅情由仰祈
睿鑒事竊查鼓鑄一事上以裕

國帑而下以通民用所關甚鉅臣自抵浙任通查從
前欠解戶工二部銅劬一百三十餘萬其中弊竇
多端臣因積欠纍纍方以清追爲主未敢冒昧陳
奏今起解已有一百六萬餘劬頭緒稍清謹將其中
情弊原委及所有餘存銀兩數目備悉

奏明

聖鑒伏查從前因各省辦銅艱難遲誤於康熙五十八
年經九卿會議將從前節省二分免其添買增入

銅價每劬定爲一錢四分五釐如有贏餘

題明歸公在承辦者必將銅劬買足此外多出之銀
方可謂之餘剩若銅未購買先將銀兩扣存以爲
節省焉有不致貽誤正餉者乃前任浙撫臣李馥
因其家係閩人原有洋船妄以贏餘具

奏承認自爲採辦究之爲法自敝不但竝無分釐多
出且離任時欠解額銅一百六十六萬餘劬至於
監追變產尚有未清又前署江蘇撫臣何天培亦
以贏餘陳

奏而江省額銅積欠至三四百萬餘劬是皆博節省

之虛名置公事於不問而

國家正帑之所以貽誤者也更有原任嘉興府知府吳永芳起而效尤乘機辦銅將銀預給各商於部定銅價中扣剋短少作為節省留存藩庫在商人明知銅價不敷或有貪其預先發銀可以別項營運取利亦有疲商光棍因其扣剋部價可以挾制圖賴竟將銅本吞蝕花銷者以致吳永芳所辦之銅欠至八十三萬餘觔臣比追至今始據陸續完解止有從前解官程雲遠掛欠之五萬餘觔未曾交局又有馬晃附解之銅亦有掛欠現在分別查

追此誠歷來辦銅積弊臣敢不據實

奏明所有吳永芳任內兩年辦銅扣存之四萬四百五十八兩零歷任各撫臣因其銅觔欠解尚多案未完結難以

題報銷算今銅已追解漸完此項銀兩彼既稱為節省所餘相應遵照九卿原議留存歸公至於部價雖有一定而商人帶銅回棹先後多寡不同價值不無低昂如遇缺銅之時每觔貴至一錢八九分承辦道府竭力添補一年派出兩員常賠至八九千兩不等若圖賤價將銀預先冒險給發則每觔

一錢二三分無本商人亦肯領辦不但無庸賠補
卽正項尚得肥囊然商人身家有限外海大洋風
波難測設有疎虞雖將道府叅革治罪而數萬庫
帑從何著落實爲可慮臣請嗣後俱照部定之價
按時給買俟銅筋購足之日核實數目有無贏餘
虧賠萬耳萬目難於掩飾除不足或果有貼補者
免其報解外如果有餘剩銀兩若干令撫臣藩司
盡行查出核實

題明照數歸公不得預先扣存致有貽誤正餉再銅
筋水脚部定每筋給銀三分以爲解京長運及在

賞
省短運二項之用係藩司發給解官領去歷年報
銷無異其中若遇長運不必守凍或短運毋庸遠
購之年則此中每筋尚可節省銀六釐六毫存貯
藩庫倘或守凍多費則應找給不能如數從前原
議俟本省別項緊要公事詳明動用此亦浙省歷
來相沿如是臣到任以來行令徹底清釐今據新
任藩司孔毓璞查明詳報除康熙五十八年起至
雍正元年上運止所有節省水脚銀兩皆於前藩
司傅澤淵任內先後詳明撥補各年不敷兵米折
價等用外其雍正元年下運起至五年上運止內

因從前有代辦各省銅筋之年水脚數多是以共存節省銀二萬一千九百二十六兩零俱收存未動此項係於應給解官准銷之內加意節省者每年原無定數且現在止辦本省之銅以後更屬無多可否仰懇

聖恩除前項銅價節省四萬餘兩并此後辦銅買完解足所餘多寡據實報部歸公外將此應發解官節省水脚銀每年約有三千餘兩連現存從前零積之項

賞存藩庫爲辦理浙江一切地方公事之用庶臣前奏

每年不敷經費一萬八九千兩稍可藉此抵補不致誤公掣肘皆出

皇上特恩非臣所敢擅請伏候

聖鑒批示欽遵謹

奏

此奏經交該部密議今將部議一併發來汝看汝所奏誤矣

同日又

奏爲據實奏

聞事竊臣於本年六月十八日接准部咨

殊批諭旨

二

三

李

衛

皇上特遣御史常保住伴送西洋博爾都噶爾國來使
麥德樂等由江南浙江江西至廣東澳門伊等船
隻驛遞飯食加意支給等因臣隨欽遵移咨鄰省
一面差官沿途探迎備辦去後今於八月間聞知
各省督撫接待來使之禮逾於常格而江蘇撫臣
陳時夏則出郭十里向御史同來使跪請

聖安設正席外又看席二筵候至下晚必勒陳時夏親
自往請方來赴席州縣傳來知會沿途預備一切
夫船供應糜費甚多聲勢異常臣竊謂

天朝自有體統

國威不可褻越

皇上因嘉尚遠夷嚮風令沿途於夫船供給從厚支應
以示優異又恐遠人不知禮體

特命御史常保住伴送使之斟酌得中竝未奉有

諭旨改換儀注自古荒服諸侯等於王朝卿士督撫職
任封疆加銜叨居卿貳與外國諸王職分相均寧
有伊之陪臣可加於

天朝大臣以上之理況久奉

諭旨頒發成例於出差官員之前跪請

聖安者定有品級今御史未及三品來使更係外臣督

撫向之屈膝伊等儼然敢當甚屬不敬臣因
國體爲重於其未到之先特遣千總往迎令向御史
常保住稟云出郭請

安有關

天朝鉅典此番有無

旨意應否出迎使外國人知道

天朝體統特差千總面稟請示據常保住回云此番係
皇上特恩原與各國貢臣不同我雖到不得請

安品級但係內務府官員若要探聽

皇上聖躬萬安令外國人知道

天朝有禮貌亦使得等語臣因常保住此言甚爲得體
隨於八月十三伊船到日會同將軍都統織造等
諸臣至郭外公所先請常保住下船令來使麥德
樂等在彼船遠遠觀看臣等跪下恭請

皇上聖安之後常保住卽欲拉臣等先至來使船上往
見臣等以爲不可仍在官廳等候良久方將麥德
樂等邀來相會待茶各散城內備有公館不居必
欲住於城外地方官日逐致送供給下程一切從
豐初時定於十九日起程至期不行所索夫船雖
多尚無十分費力惟起旱挑夫部文定有一百二

十名常保住加至八百餘名俱係包攬客貨用地
方官出價雇備之夫挑送在杭逗遛經旬直至二
十四日始行起身由錢塘江過常玉山而去每過
一縣供給飲食前站門包雜費須用八九十兩不
等地方官不得不爲備送此御史常保住伴送貢
使過浙之實在情形也臣思遠夷初入中國何知
如此驕橫常保住旣奉

特旨伴送自宜教以正理使其感

皇上之恩畏

天朝之威傾心嚮慕方爲勝任乃不顧

國體但借之以作威福諸事責備吹毛求疵其意大
有所欲深負

皇上委任至意若彼時

上聞恐蹈器量褊淺之失今已經出境臣之一身屈抑
何足輕重但有關

國家體統之事在沿途諸臣待之本自失體且欲使
其回京說好卽加察訪孰肯再言實情臣受

聖恩深重用敢不避嫌怨據實直陳伏祈

睿鑒爲此謹

奏

所奏殊屬可嘉之至各省封疆諸臣悉能如此居心顧惜國體天下何愁不治朕觀常保住係一老成人猶恐過於謹慎豈料行爲乃爾前此接伴西洋使人來時諸凡舉動何竟寂然無聞其詳細密訪奏知陳時夏身爲大吏不應卑躬失體至於若是由浙以及江西而抵粵東又復作何光景一併備訪以聞將此摺務於常保住旋都之前繳進毋遲

雍正五年十月十三日浙江巡撫臣李衛謹

奏爲敬陳隱藏銅器銅弊酌議收買分晰嚴禁之法

仰祈

睿鑒事竊臣於本年九月二十九日接准部文因禁用黃銅器皿各省尚有未能實力奉行欽奉

諭旨嚴行通飭臣捧讀之下不勝惶悚伏思

皇上之所以禁用黃銅器皿者因直隸等處姦徒銷燬果能將朕意明白宣揚俾百姓曉然領悉諒必人人樂從而踴躍遵行也

得已而設此禁例耳臣向日卽知浙江未有黃銅

京錢行使自從前到今民間買賣除銀兩外俱係

青銅老制錢文連當年大小黃錢亦未流通境內

無從購求銷燬惟有將黃色廢銅制作器皿

獨多如嘉興造爐湖州鑄鏡精緻工巧遍處發賣

既廣則他處販銅者自皆銷燬制錢而雲集此地矣況
甚廣前因非係省城不在初次奉
旨試行之類以紅銅白銅製造更佳何必專用黃銅
續復奉到

諭旨各州縣一體禁飭則此兩府均在其內可以畫一
辦理隨將通省黃銅器具遵照部文款項嚴行禁
止現在不許新造止有已成銅器未肯即為交官
者緣係家家平素原有數件雖貧窮小民亦不無
零星微物查追愈急藏匿愈深且奉准部議民間
限以三年零星小攤限以三月若遽行沿門逐戶
何須如此紛擾第嚴諭收銅員役公平給價毫不勒索
睿察搜查拏懲則無有不犯法之人況彼此搬移東搜

刁難則民間無有不樂從者惟憑法令逐戶搜察焉有
是理
西藏皆可掩飾其弊更難窮詰臣再四圖維只得
分晰曉諭反覆開導限以本年歲終若不交出領

價仍行發賣留用者即當差拏究治倘敢現在打
造新器者除原物入官將本人按律從重懲治兩
鄰保長不報同罪文武地方分巡之官失察嚴行
指參此實由地廣人繁不得不因時制宜稍為分
原應如是開導如是漸禁除此法外更有別法乎
限漸次嚴禁設法杜絕原不欲虛應故事致令出
難行自于罪戾今奉旨禁此而無其困主

諭旨通飭臣何敢稍有隱瞞而不據實陳明也但愚人
所以不即繳出者遍訪其故民間所用器皿有打

銅鑄銅之分打銅俱係煉熟必用六分紅銅四分
鉛筋方能配成黃色若鉛多則色白而不黃每遇
下火打過一次惟鉛有飛折而銅無減少其用生
銅鑄造者則有六成以下對半之色更有渣滓不
淨生熟二項銅價原有低昂而成色之高下自分
一看即知若必欲傾鎔細加辨別則逐件銷化守
候需時炭本人工更多浮費今部文未曾分別生
熟二銅惟議稱如有不足六成銅色遞減其價解
部不實令辦員賠補等語彼無知愚氓誠恐估折
太少無有定憑是以各懷觀望可否將打造之熟

銅悉照六成收買解部時亦照六成交納其鑄造

生熟銅斤各有一定價值此不待言者汝等督撫但飭

令收買之員秉公約估將來鼓鑄時不致虧損成色斯

可矣現令部中即係生熟兼收而價自貴賤至於抵

糧之說或於抵糧之便自不至懷疑而觀望矣再查民

可使由不可使知若止繩之以法窮鄉幽僻之處

皆可躲閃豈能遍及莫若令諸色人等一凡遇見

有私用黃銅器具即許持送交官將銅價給與首

出之人亦不深究本人之罪則法網稍寬銅之藏

匿不可不辦理須按次第下將打造及市買者

先行禁止其家藏日用器皿何妨暫緩一步
已家器物為他人得錢又於婚嫁大事不敢使用
露目留之終屬無益焉知不皆自行繳出或亦誘
掖愚蒙之一道也再康熙十八年禁用銅器案內
開明鈕子鎖鑰箱櫃鞦轡事件刀束刀環刀箍等
物不在禁內因其止禁新造而已成者置之不論
所議未為盡善今嚴禁新造并收已成之器誠為
杜絕根源但所開樂器軍器天平法馬等子及五
觔以下之圓鏡不禁外其餘俱不許製造臣愚以
為各項甚是獨圓鏡所用頗多雖有重者亦必借
稱五觔以下抵飾孰能逐一稱較仍與不禁無異

表應止許用有柄把之手鏡則自然不能重至一二

都中已命併禁矣觔之外其餘圓鏡除大小青銅不禁若黃銅者槩

聖恩查照康熙十八年之例減定樣數指出不禁些須

物件飭行遵照惟各處當舖銅器甚多既經禁用

此種小物似可仰邀

罪且窮民工匠藉此養活家口者天下何止數萬

以零星之物彙集繳官而人人佩帶亦復易於獲

聖恩查照康熙十八年之例減定樣數指出不禁些須

物件飭行遵照惟各處當舖銅器甚多既經禁用

在本主自不肯取贖而年限不滿當鋪又不能擅
望恩賣應令將銅器當票交官給銀取贖除合算本利
與部定銅價相等毋庸議外不足者於當鋪所得
利銀內減除扣還官價其有餘者照數給還本主
此論是則所收之銅較之鈕子等物自必更多以上皆臣
愚昧所見如有可採或前亦呈今冬九月間臣不
恩出至至試前開曉臣等其除小之除每冊用銀不
聖慈通飭或交部議定行文遵照伏祈
睿鑒施行謹
奏

覽

同日又

奏為奏明委署藩臬兩司印務事竊臣於十月初九
日接准部咨浙江布政使孔毓璞奉
旨調補甘肅藩司又按察使董永艾於前安徽布政使
任內部議降一級調用奉
旨依議欽此臣隨轉行欽遵遴員委署去後竊見孔毓
皇上璞年力强幹居心直爽但辦理浙地事務殊覺勉
強而於西北省分甚為人地相宜新任藩司彭維
新從前在浙雖不無偏執深刻之處然其明敏勤

硃批諭旨

二

卒

李

衛

勞辦事認真正可懲察浙藩吏役各屬衙門之詐

弊一轉移間仰見

已有旨著留任矣董永艾

皇上因地用人極其精當至董永艾從前久於刑名人
非才具不逮乃有意沽名善柔取容之人當竭力訓導
令其改儻仍前執迷禍必及身將朕此諭向伊宣明
近頗漸為習熟然各案公事中之猶代其辦理十
然亦不過止於如是而已藩司之職尚不克稱京職更
非所宜分之三若將該員改降京職尚堪策力如用外官

仍覺未甚相宜今兩司印務需員署理查鹽驛道

王鈞本任之外又管南北二關不能再兼別務其

杭嘉湖道徐鼎現護觀風整俗使篆已經出巡各

府至寧台紹道王一導居心行事

聖明久知其不可任用因伊專修戰船未曾完工恐新

員接辦不及是以暫緩叅劾而溫處道王斂福海

疆遙遠應須彈壓難以調赴會城其在省者止有

糧儲道蔡仕舫一員暫委令署理布政使印務緣

該道卽有親催水次督兌漕糧及開春押運過淮

之責伏乞

皇恩飭令彭維新迅速赴任庶無稽遲至臬司印務因

實無其人是以著杭州府知府孫國璽暫行護理

合將委署二缺緣由具摺

皇奏明再查臬司大員

硃批諭旨

空

李衛

皇上自必早已揀用何庸置喙但浙省民風刁健獄訟滋多繁難不一而足此缺甚屬緊要非與他省臬司可比孫國璽實好朕因杭守之任緊要其年尚少故未加超擢論其才調豈但臬司撫任亦可勝也屬稱職倘因銜缺相去太殊則有原任湖南按察使謝旻操守雖屬平常吏治諳練實為過人如董永艾員缺未經

皇上補授或於二員中有可選擇恭候

聖明睿鑒臣因通省地方要缺需人起見冒昧附陳伏

祈

慈宥為此謹

奏

百凡事宜第據理直陳無庸避忌汝於朕前尚有信不及處耶

同日又

奏為瀝陳微臣下悃叩求

聖主天恩事竊臣本以草野粗直之人仰荷代升建順

皇上格外知遇由部郎苗此恩貴

特授雲南驛鹽道超陞藩司報效未遑旋昇巡撫重寄

既受不辭不冒天直刺分念

天高地厚之深恩又當年力方壯之歲月及時黽勉尚

殊批諭旨

二

空

李衛

天高恐不能報稱豈敢退縮偷安昧心妄瀆實有愚悞
苦衷不得不冒死直陳伏念臣自到浙江日思勉
盡職守稍圖寸效夙夜警惕若不將一切公務認
皇土真實心辦理勢必苟且塞責

聖國家何貴有此竊位糜祿之臣子既欲儘力任事則
奏非徒承辦目下各項案件遂為稱職當思培植地
方元氣作何未雨綢繆整飭通省屬員作何寬嚴
竝濟務期上有益於
國計下有利於民生凡用人理財經畫久遠化導積
奏習懲創愚頑稍為

皇上分勞宣力方不愧於此心且身為封疆大吏必有
經文緯武之才博古通今之識庶能不動聲色措
置咸宜而臣讀書日淺不學無術於此數者慚無
一能豈敢儼然自居久膺重任再臣屢奉

聖訓安民之道首在察吏浙江財賦重地山海要區人

情刁險訟獄繁多全在得人共理今知府中雖頗
浙省府道尚屬得人他省竝府道亦多不妥協也至於
有可以辦事之人而州縣之才能稱職者十無一
近日州縣員缺朕皆選擇上等才具發往浙粵其餘各
省率多不及人材難得何法處此凡為督撫者安辭費
較輕凡接辦新任將前官之舊欠錢糧未結刑名
心勞力率同兩司道府多方訓誨以造就之其教而不
視為無甚關己之事推諉脫卸即得賢員亦非年

殊批諭旨 二 查 李 衛

改下愚不移之輩參劾去之更替接辦政雖未練履任
方新或可試效於發軔天下事惟用之苦最爲第一
仍舊者即輾轉廢弛地方更不可問矣以致上司
奈何奈何

無可奈何只得去其尤甚將政務生疎者申飭教
導望其自新不改即參臣常於劾官疏內分晰聲
明從未有司道各府揭出劣員而護庇駁回者俱
有案卷可稽實無所用其姑息之處至於人心愛
憎之偏嫌怨所鍾皆不暇顧恤也夫徇庇屬員非
貪賄賂即受請託臣即奉職無狀於此二者猶可
汝自信朕亦信及汝
自信則又何所爲而悅衆取容甘蹈欺罔之罪乎
在臣愚見竊以躬逢

聖世重荷

皇恩凡屬文武臣子當共效協恭之休惟願官無大小
事無巨細一體同心無忌無偏集衆長而辦公事

猶虞不能盡臻妥協若再各立意見必欲伸己之
汝不過統轄一省屬員即今侍從卿尹濟濟盈廷朕日
長黨同伐異外是內非以爲自占地步立名干進
逐以此諄切訓誨而心悅誠服蹇譽匪躬者有幾夫爲
之階則於公事格礙無窮此臣愚昧之所大恐也
人君盡君道爲人臣盡臣道亦惟盡吾心焉而已
幸蒙
天自有照鑒效不可速期功不可半廢循序整理漸冀
皇上隆恩面加訓誨令臣常戒火性收斂鋒鏘又屢蒙
改觀否則爲君難爲臣不易之言不足爲據矣
硃批奏摺

諭旨時頒是以深自警省方得勉強支撐將及二載但

硃批諭旨

畜

李衛

粗直之人嫉惡過嚴既不能改淺露為深藏而才

情有所限量實無異策奇謀以此心日勞而政愈

拙時未久而怨已多無論在京部院中間有得罪

近日人頗諒汝怨言未達於朕耳然總不必計慮及此

伊等不能忘情者即如四川買米回浙潯關收稅

能以寸衷對越

耗費等倍因而行文查詢觸惱邁柱怒不可解現

天地神明而不愧則無傷二字朕可書賜汝為左券此理

朕見之極透

有彼此原文為據諸如此類不惟公事往來時或

不合於鄰封抑且意見各有不同僚屬未免忌刻

節累及根本朕意但克盡在己之道斯等處槩不必勞

今漸憂疑成病若再不自揣分量濫膺重任將來

神 倘有智窮力竭見解不到之處難免無錯或被深

人力若能暗算善人寧有唯類君子可欺以其方準情

心者暗算墮其術中或為挾嫌者報復眾毀畢集

我 合理而來便墮入術中何害縱或誤觸機穽終當拔出

立身行已須中有主宰儻不究義命惟利鈍是講而焦

皇上明竝日月即欲保全豈能多方赦宥臣身蹈罪愆

思不己則失血怔忡有自來矣

固不足惜其如下誤地方上負

天恩何此微臣犬馬思效之心甚切而蚊負難安之懼

彌深也至於臣八旬有餘之母幸荷

聖主洪恩得以相依膝下但老病龍鍾僅存殘喘臣形

雖外壯而中氣頗虛春秋兩犯失血每早脾瀉怔

忡不時此等身家之計臣皆不敢瞻顧私情暫忘

公義但願留得微軀報效正長然既不忍負

浙省士庶已沐朕格外恩施向後易治矣勉為之

皇上之生成妄求解退又不能勝重大之責任貽誤封

殊批諭旨

二

奎

李

衛

皇上疆臣實跼蹐不安進退維谷竊憶前歲仰觀

天顏時臣曾面奏實無巡撫之才或大而提督次而總

汝素志慕武兼嫻武備朕所洞悉將來或以武事大為

兵俾得靖盜訓兵備戎行而效驅策雖運籌機務

國家效力亦未可定今不但為期尚早且此等處用及

汝亦非朕所願也原非所長而嚴謹疆圉或有寸得此臣業自量其

不能勝任於二載之先矣又不敢於

萬壽之前冒昧懇求進京瑣瀆

聖聰今感戀之忱逾切覆餗之恐益甚寤寐悚惕無地

自容伏乞

皇上恩鑒下悃准臣於新年春月將巡撫諸事竭蹶趕

辦俟觀風整俗使臣許容回浙之日交與印務署

理其鹽政之事可否暫交藩司彭維新或新任臬

司到來兼辦再為起程赴京

陛見竝奏地方一切要務面請

訓旨欽遵倘蒙

俞允則仰戴

聖主覆載之恩非此身此世所能報答萬一也臣臨奏

皇上不勝感切惶悚待

命之至謹

奏

明春不必來京俟已酉年看

硃批諭旨 二 癸 李 衛

同日又

奏爲彙覆條奏事宜仰祈

睿鑒事本年九月二十八日臣接到奏摺黃匣內蒙
皇上發交員外郎詹錫瓚等四員履歷各摺條奏浙省
事宜俱經欽奉

御批令臣分別詳悉議奏酌行臣欽遵隨將所奏事件
逐一詳察分別四條彙摺覆

奏

一員外郎詹錫瓚履歷條奏摺一件欽奉

硃批朕面加詢問據云所見甚確可詳悉查議具奏欽

此伏查棚民一項詹錫瓚所指其中弊竇情形臣
細加詳看不但伊原係開化縣人本地現有棚民
所言俱係確實即臣從前未經到浙及莅任以後
留心察訪棚民姦良不齊去來不定所墾蕪山數
年之後地力易盡又復翻墾新土損傷塚墓且性
情粗頑倚衆爭鬪動輒逞兇若遇歉收之年竊盜
爲匪等弊臣知之已熟與詹錫瓚所奏無異但其
指稱防範之法在浙省不過查驗批照註冊收墾
不許業主租與新地尚屬易行若所稱令江西福
建本處地方官取里鄰宗族保結給與印批方許

出境之處則彼地實有勢不能行者夫棚民淳頑
不等原非盡爲匪而來也皆福建江西貧民因本
地人多田少不能養活故相率就食於外方歷今
三十餘年其中有先攜眷而來者有種地獲利搬
取家眷同居者又有住居年久置買田地并與本
地民間結聯婚姻者此等皆不回籍惟內有無室
家之輩年終回去留下數人守棚次年復來其出
門時或攜帶些須乾糧徒步跋涉而至未肯輕用
盤費若責其俱赴本縣呈明取結領批則有守候
之艱衙門紙筆之需伊等無知愚氓斷不能遵行

當必私自出境而彼處地方官亦豈能於各境上
盡爲攔截執行路之人而問其所往則此法雖設

臣恐徒託空言耳且旣到浙地無批文者十居八

九若槩不收留則墾種無業回籍無資以强悍之

性而迫於饑寒大則聚而搶奪小則羣行偷竊是

又激而成之矣至於止給熟地不給新地皆係部

議所定目今現在遵行者臣愚以爲此等棚民其

來已久其聚已多一旦更張必生事端況伊等之

中尚知務實力作漸有溫飽非盡游手姦徒率土

王民何分疆界現今以棚民之姦良責成於招佃

之墾戶取結造冊編查保甲嚴禁不許再租新地
數年以來亦皆安靜無事似應將此一事上下留
心飭令各知府營員督率各縣汎實力稽察撫輯
得宜不使吏役借端科斂因時調度稍有犯法卽
近聞江西等處棚民亦俱安靜朕批發條陳諭令查議
行重處若果諸事公平便可心服相安毋庸急以
者其中或有啓發汝之心思因此另獲良策之意今覽
繩之而生其疑畏之心也理合據實
所奏各情形亦只可如斯而已
奏覆伏乞

聖鑒

一改補訓導項景倩履歷條奏摺一件欽奉

硃批此奏似屬不謬汝其查明如果可行具疏題覆欽

此臣查項景倩所奏二條一稱瑞安縣錢糧歷年
積欠冊籍混淆若得通縣逐畝清丈則欺隱無逃
而賠累可免等語伏查浙江通省田地於康熙四
年奉文清丈填造魚鱗圖冊歸戶辦糧直至康熙
九年完竣自十三年耿逆煽亂土眾竊發浙東數
郡多遭兵燹鱗冊遂有燬失糧額因此混淆而數
郡中又惟台溫處三府爲尤甚其中移坵換段墾
多報少飛灑詭寄以熟作荒等弊爲條奏之所未
及者尚多卽杭嘉湖紹等屬縣內鱗冊雖存而蠹
吏里書瞞官作弊花戶無的名實徵無底冊朦混

錯雜者亦復不少曾經臣通飭清查據天台仙居
青田壽昌等縣俱以清丈具詳八月三十日瑞安
縣知縣何詩亦會具稟到臣緣丈量一事關於通
縣民生休戚行之不得其法徒見滋擾是以臣已
於本年三月間先行設立順莊滾催之法令通省
各縣照依保甲煙戶冊內人戶查其所有田地糧
額歸入本戶的名造冊於各里就近用滾單傳催
限以年終完竣并著杭嘉湖道徐鼎遵照辦理此
冊一定則田地戶名已有根據因而查丈詭寄侵
隱不難清釐現在已有壽昌等縣剔除清楚歸正

糧額民皆稱便其餘各縣若官有才幹行之頗好
亦有才平事繁之處令知府不時稽察容臣催造
完日查明糧額不清如瑞安等縣彙疏具

題并遴委幹員分督查丈以副

皇上軫恤民瘼之至意一稱沿海可施耕種之地不止
玉環一隅今聞玉環山已經具報此外請令據實
開報等語查溫台海邊之玉環山經臣會同督提
二臣

奏明於今年春月委員清查召墾凡玉環地方并附
近玉環之楚門老岸及磐石蒲岐大荆三盤黃大

舉等各處查出可墾田地共十萬餘畝現在詳議分設文武營制并經理地方事宜另疏會

題至於孤懸海洋各島嶼俱經委員遍行查勘或地方窄小墾闢無多不足供設汛分兵之經費或相離遙遠防範難周恐徒起姦匪接濟之隱患如南田大佛頭等處不敢輕爲議墾其但有可行者斷不肯因循遺漏總期斟酌妥便再加核實漸次與舉務使

國課充裕海疆嚴密庶於地方實有裨益理合據實奏覆伏祈

是聖鑒

一改補訓導朱琪履歷條奏摺一件欽奉

硃批審察所奏若有可取酌量施行欽此臣查浙西杭嘉湖三府俱係水鄉河道支流四通八達所謂港浜者有大小長短之別實則支河之分流而水道之小徑也其間有原來地勢如此者有從前鄉民將低處之泥逐漸剗挖堆於高處種植桑麻而窪地日久成河者數其土名一縣之中何止千百餘處內中尚有石壩土圍不等若欲官爲開濬則竭一縣之錢糧不足供半縣之用然皆鄉民行舟之

所必經灌溉之所必用若有淤淺則不待催督本
村居民自能合力疏濬除官塘大河俱係查丈估
計出給工資雇夫開濬外其鄉僻港浜於農隙時
臣行令各州縣及分管巡查地方之佐貳水利雜
職等官著落圩長鄉保各村勸諭催督使之及時
挑濬量力而行止將坐落處所及興工完竣日期
報縣查考民亦稱便若如朱琪所奏傳集業戶照
田出工卽有壓派之擾且所稱圩長造冊報縣親
詣勘驗申詳督撫委員覆勘彙冊咨題等語查一
境之內港浜盈千州縣事繁豈盡能親到胥役因

緣爲姦則造冊供應小民之費不貲而咨題之冊
汗牛充棟驛遞亦將不勝其擾矣至於海塘幫築
修砌因近塘沙土浮鬆難禦潮汐方且出給夫價
於近地挑取堅土應用若得各處港浜之泥築塘
豈不更善然欲責其盡行載往海塘實屬難行無
論各處港浜多與海塘隔遠數十里數百里不等
且有不通水路者固難責其遠運卽數里之近而

所議是船載肩挑人工飯食窮民從何而出反致畏難不
行此又事勢之斷乎不可者也理合據實
故凡有奏陳地方利弊率發該督撫斟酌蓋恐將有益
奏覆伏候

事宜或致錯過耳胸中竝無必不可行之成見
聖鑒

一 改補訓導趙景循履歷條奏摺一件欽奉

硃批此事雖屬不甚緊要亦與地方有關一併酌議具
奏欽此 臣查孝豐一縣地屬山陬其西北與江南之
寧國縣廣德州東南與本省之臨安於潛餘杭等
縣聯界而天目山則東西南三面山谷深邃居民
畸零散處其間者十有餘圖向設巡檢一員弓兵
十五名專司巡緝亦因山徑叢雜隘口險要所以
防宵小而靖地方也目前太平無事巡檢一官似
屬無足重輕此趙景循所以有請裁巡檢歸併縣

丞之奏但浙江公事繁多解餉辦差絡繹不絕非
但縣丞不能常在本任卽巡檢亦時有差委似此
界連兩省之山縣百餘里空虛無官於知縣典史
外不可少佐雜之員以備緩急況現經 臣

題明將各縣佐貳雜職等官分派地方巡緝盜賊鹽
徒各有責成則此巡檢一員亦非竟無職任虛糜
廩祿可比似應毋庸裁併留以防範地方理合斟

酌

奏覆伏候

聖鑒以上四條 臣就各員陳奏事宜及地方實在情形

硃批諭旨

二

三

李

衛

斟酌詳察據實敷陳所有欽奉
頒發履歷摺四件一併恭繳謹

奏

覽

雍正五年十一月初八日浙江巡撫臣李衛謹

奏爲恭謝

聖訓并陳覆奉行事宜仰祈

睿鑒事本年十月二十六日據提塘官遞到內閣交出
怡親王大學士張廷玉宣示雍正五年九月二十
三日面奉

上諭一道到臣跪讀之下隨即欽遵敬謹刊刻嚴飭各
屬員務令遍行頒布家喻戶曉外伏思督撫身荷
封疆重任於地方民務皆當先事籌畫督率舉行
若至上勞

宸衷始見措施已爲不能盡職況又怠忽因循復煩
天語重頒返之於心寧不愧恥今蒙我

皇上叮嚀誥誡反覆訓誨并教以緩急先後之序寬嚴
得宜之方是

皇上以九有之廣萬幾之勞而於偏隅督撫所應辦而
不能辦者一一爲之周詳指示覆載

深恩至於此極具人心者有不感激涕零而黽勉思效者哉伏讀

上諭內指出要務各條如禁造黃銅器皿臣近已將先後奉行并內中情節原委

奏明又保甲社倉二事已經具

題俱不敢再瀆若賭博惡習臣前歲在京

陛見時曾經口奏自到浙後卽與將軍臣鄂密達齊心協力申禁頗嚴巡拏亦緊杭城內外所犯旗漢影射窩賭等事卽飲食輸贏無不經臣衙門親自批行發落近來犯者漸少其外府州縣雖皆派有佐

雜弁員分巡固不能盡如省城之嚴密然凡有別事及巡鹽差往各處員弁臣卽令其順帶牌票留

心巡查曾有海寧北門外及蕭山龕山地方等處賭博數起皆出其不意經臣差查拏獲痛懲並嚴究官役奉行不實之咎復令各屬將拏獲起數於月終彙報司府每季轉詳到臣按其多寡分別勤惰獎罰是以各地方官亦知畏懼嚴巡將來或漸如省城得以稍有成效至臣自幼天戒不食牛羊

於私宰圈戶留心嚴禁緣地方間有回教之處鄰比皆有同夥隱匿不報并營伍盛甲亦有必需水

牛皮用者又有倒斃之牛不能分別現在雖無敢於開宰圈戶誠恐僻處暗地尚未淨絕爲此設法於回教住居地方令總保稽查舉報并坐兩鄰隱匿之罪民間病死之牛必須公同鄉保甲鄰驗明方許開剥仍令投單報縣存案又咨會滿漢各營一體嚴禁凡軍裝必用牛皮等項俱開明數目知會到臣酌量備用不得借端宰殺現在督同地方此事漸次從嚴務以永遠遵行爲期不宜急驟致令胥文武如此儘力行去以期仰副皇上重稼助農之至意再如邪教妖言實關人心風俗役輩紛擾滋事且恐爲地方隱憂誠如

聖諭指示若懲治不早則附和衆而株連多臣於到浙之後卽經留心察訪浙幫水手皆多信奉羅祖邪教浙省北關一帶有零星庵堂住居僧道老民在內看守其所供佛神各像不一皆係平常廟宇先有七十二處今止三十餘所各水手每年攢出銀錢供給養贍冬月回空時卽在此內安歇不算房錢飯食供給餘剩卽留爲沿途有事訟費之需而淮安天津通州京師俱有坐省之人爲之料理各幫水手多係山東河南無業之輩數以萬計歇店飯舖不敢容留若將此等庵堂盡行拆毀驅逐則

是

冬月回空各水手無所依歸反生事端且細查其教亦止喫齋念經其可惡之處在於借此心齊欺人生事尚無別項不軌之處臣已嚴令押運官弁逐船稽查禁止不許指稱伊教聚眾賭博打架并於回空之時派出千把帶兵巡查一有所犯即行嚴拏從重痛處仍不時防範設法杜絕又溫處等府愚民向為閩人引誘借祖師教為名黨類甚眾雍正三年經前督臣滿保拏獲具奏請

旨將為首閩人陳立昭王文治浙人范子盛三犯於溫州通衢立時杖斃餘犯分別流徒枷責完結羽黨

惟須密訪方得實跡若輩行藏最為詭秘凡屬邪教莫不皆然也雖多今已解散臣時復密查此際亦皆斂跡倘稍

姑且以理化導不宜遽繩以法何也現今都中許其行

教今止西洋人等崇信今中國人貪其有利亦多暗

徐逐漸為之甚是地入教各處皆有雖現在無為匪之事彼等深心

近經有旨飭禁此等惡習極應嚴加戒約者難測終久可慮亦當加意逐漸禁革并衢州地方

命恐棚民雜居之地漸至多事臣亦嚴令地方官查拏首從各犯分別懲創總在遵奉

諭旨一有所聞即留心根究不致隱匿養癰則姦宄無所漏網而良善亦可保全矣以上各件皆臣分內

之事何敢瑣陳因仰見

聖主憂民念切惟恐一夫不獲其所浙江山海要區地方遼濶藏垢納污之所倘或怠忽從事尤致上厯睿懷用將奉行事宜據實覆

奏伏祈

聖明鑒照爲此謹

奏

覽

同日又

奏爲再陳速銷鹽引以裕課餉事竊照杭嘉湖三府

及江南蘇松常鎮四府向來私梟充熾官引積滯臣已將派委巡緝設法防杜之處先經具

題現在聽候部議遵行今販徒已陸續拏獲數百餘名俱皆分別輕重擬徒懲創安插近來稍知斂跡官引日見疏銷漸有成效雖若輩未免怨望亦臣之所毋庸顧惜者也查兩浙引鹽例係一年兩掣所有春夏二季之鹽必至冬季方始掣運而秋冬二季直待次年夏月方得掣驗逾隔兩季遞相稽遲更有掣不足數停滯引目仍存商人賠課此係

歷來相沿墮誤半年之舊額也今歲仰賴

皇上福庇晴雨合時土滷旺起場鹽廣產加以緝私頗嚴竈販畧知畏法不敢公然濟私是以將上屆引鹽業已掣足銷完現在各商於場地所買鹽斤報臣衙門數目合算不但將本年春夏二季之額可以儘數全掣約畧尚可現掣秋冬引日二十萬上下竟能比歷來掣規趲出一季官鹽若明歲再遇此等豐收設法調劑年年銷完不至壓下半載則歲額有增此以上各府現在辦理之情形也尚有諸暨上虞義烏浦江富陽德清六縣離場頗近亦有江船可通者若不急爲整頓不特近場之地深

受其害卽稍遠縣分亦將漸被侵越矣且私販動則百十成羣與鄉民結爲表裏甚屬潑橫商人顧惜身家退避不前以致將此等地方讓與梟徒現任在遴差千把總帶兵遊巡拏獲者亦復不少悉行分別懲處設法整理漸見眉目但此輩梟徒因無鹽店相習已久視爲應得之事又非如向有官商行賣之處販徒尚自知理虧者可比若盡繩之以法則恐流入盜賊反致爲害地方關係非輕必使之改過自新許其肩賣官鹽今已漸次在地方官處具呈情願改業作爲官販現在議令商人前往

總隘處所發鹽減價住賣給票與彼領販以濟鄉村僻壤民食將來此等地方若能銷鹽疏引不准別家姦商爭奪俟有成效再爲具

題其餘寧台溫處四府所屬濱海之區間有數縣近場難於銷引梟徒頗橫今已將渠魁楊道信等拏到省城嚴加審究盡法痛處以爲榜樣并江南之崇明縣亦皆有私鹽擾害鄰近錮弊頗深容臣隨時調劑因地制宜另爲次第舉行以上事宜非獎賞鼓勵懲治心服難收實效臣不敢苟圖無事亦不肯惜費畏縮照前儘力辦去則鹽政所屬無甚

遺漏之處諒將來課餉必能多出矣爲此先行奏

聞謹

奏

浙省鹺政整頓合宜甚屬可嘉兩淮所議鹽務亦命卿畫一詳酌具奏矣其竭力籌維務令久遠循行永無窒礙方好

同日又

奏爲恭繳

御批事本年十一月初二日臣齎摺家人捧回原奏摺匣到杭隨跪領開讀內臣奏辦銅原委一件欽奉

硃批訓諭并蒙

頒發戶部密查覆摺臣卽敬啓詳視逐一遵照但旣經議定則臣前奏情由尚屬大概恐戶部將來難於稽查有不敢不於

聖主之前據實分晰聲明者查吳永芳扣存節省銀兩臣原奏明充公惟因吳永芳當日雖會有此項扣存銀兩名色原係前藩司傅澤淵留下入已伊病故後永芳心有未甘借名贏餘詳報在其家屬名下追出者有案可查所以當日額銅欠至八十三萬餘斤之多直待監比數年而後將完且又擅自

提取海鹽等五縣庫銀共一萬八千兩湊買銅斤現於各縣虧空案內審出

題明著落永芳追賠監比止交銀一千兩此外分釐無完同屬

皇上錢糧被其將彼案之侵蝕報爲此案之贏餘實爲捏飾又見江南雖亦行預扣較之浙江每百斤多發銀五錢而欠銅至數百萬之多其別省不扣原價者俱無虧缺正項銅斤之處臣因此深爲憂慮故請於正銅買足之日確查實有贏餘遵照原議卽行

卿所陳者據情之論該部所議者乃係據理而言悉如
題報此臣急求辦理鼓鑄重務必期實在無誤之愚
卿之秉公不拘作何辦理總歸無弊則未有不河若令
衷非謂銅價必無節省伏求
聖明鑒察至於水脚銀兩原係從前於每斤節省二分
之外已銷發給解官之項遇有不必要守凍或近處
購買又有此額外節省歷年零積存庫除從前公
事用去外其辦銅別省遠近不等亦無聞有此項
臣因不敢擅動是以

奏明請

旨今當遵照部議將現存及所有多寡節省水脚俱儘
數歸公嗣後竝將銅價水脚一并先扣節省存庫

但臣之所以不得不再為分晰奏明者恐從此部
定為例則辦銅各員萬難禁其不私下先行放洋
在殷商豈肯願領短價勢必如江南皆被乏商詎
去花費直待下年領銀那新掩舊遞年既久化為
烏有卽置之重刑難免虧空動輒鉅萬此臣愚昧
所慮將來之弊皆難逃於

聖明之洞鑒者也再前奏吳永芳扣存銀四萬四百五
十八兩零緣係該員一人總辦從前原報文內未
經分別銅價水脚何項所出扣存者止據統報數
目交庫其中亦有水脚臣前摺因將此項四萬餘

兩盡請歸公是以未曾分晰合并聲明又臣具奏御史常保住一件仰荷

聖主鑒照令臣察訪奏聞查江蘇撫臣陳時夏接待太過之處有江撫知會印咨可據其用夫八百餘名之處有常保住著臣代為知會江西之文沿途各省俱有憑據及伊等起早過常玉山時仍有不敷

此事

朕已降旨責問陳時夏矣

又多用夫三十餘名謹將陳時夏原來印文先呈

御覽至西洋人來時未曾經由浙省據副都統雅斯哈曾云伊前任在廣東總兵時見此西洋人俱摘帽曲身聞常保住亦不像此番行為則其從前尚未

敢如回去一路狂妄可知今次從江西廣東而去其在外行走事情沿途難掩耳目而暗中餽送隱處恐亦無人肯言今臣現在遵

旨密差各處訪查另行覆

應先

奏但程途遙遠過去已久難以尅定時日恐常保住

繳原摺餘俟訪明更奏以聞

回京在先原摺不敢久留合將欽奉

御批奏摺及奉

頒戶部覆摺一并恭繳伏祈

睿鑒謹

奏

覽

雍正五年十二月初三日浙江總督管巡撫事臣

李衛謹

奏恭請

皇上聖安

朕安陳時夏張坦麟皆係汝向所熟識伊等近日大相齟齬不啻鑿之與枘但二人頗著清操猶係實心任事之臣朕意以爲果皆公正無私斷無不和之理今彼此參商其中必有一是一非朕一時淄澠莫辨爾等壤境連接孰是孰非諒必有所聞見何由致於如斯據實奏

陳母得絲毫涉於偏袒

同日又

奏爲

聖主加恩愈重微臣愧感難安謹具摺恭

謝竝繳

御批事雍正五年十一月二十二日臣於紹所掣驗引

鹽接准吏部咨文欽奉

恩綸特授臣爲浙江總督管巡撫事又於二十六日據

齎摺千總恭捧

皇上批回奏摺一匣并傳

硃批諭旨

全

李

衛

旨恩賞臣母人參四斤貂皮二十張又

賞賜哈密瓜一圓到臣當經兩次虔設香案望

闕叩頭恭謝

天恩隨將

恩賞珍品齎捧回署扶掖臣母汪氏匍匐跪迎叩頭謝

恩祇領訖伏念臣自荷

皇上聖恩拔擢以來數年之間洊膺封疆重寄感激夙

夜圖報未遑今蒙更沛

殊恩特授總督又蒙

頒發珍物至優極渥俾臣老母得以沾被

恩榮舉家欣慶無已且臣伏讀

皇上御批指導愚蒙詳細

訓誨開誠布公無微不至

生成厚恩至於斯極循環捧誦涕淚交零臣雖不能博

通往事但常見古來人臣中有胸藏經濟而知遇

無由欲邀一命而不可得者抑或稍秉孤介鯁直

天恩之性卽爲群疑衆謗所歸終身不能表白致罹罪

戾者臣獨何人以淺陋粗率之資又復未嘗學問

卽竭盡駑鈍不過勉辦分內之事乃仰荷

聖主信任五載之中超擢不次邀榮至此返心自問何

以克安此臣之不勝感深滋懼而愈覺仰報無涯也惟是臣待罪海疆將及二載一切戎事有督提二臣專司臣卽留心不過分其責任今蒙

天恩授以總督則全省水陸軍機俱係統屬事務益增繁劇豈臣菲材所能肩荷況武職全才更是難得必深察各將弁之性情猷畧與各地方之形勢機宜方能去短取長隨材器使愚陋如臣難以自信是以聞

命以來恐懼徬徨較前尤切今既不敢上違恩旨勉爲就職竊恐有負重任伏惟

皇上如天覆地載臣之魯鈍久在包容之內仰懇聖慈時加訓飭庶幾事有遵循并望

天恩預選賢臣早膺重寄以免兼顧不遑致有錯誤之處除另疏具

題恭謝

天恩外臣謹繕摺

奏謝所有奉到

御批奏摺理合一并恭繳伏乞

皇上睿鑒謹

奏

硃批諭旨

全

李

衛

覽卿奏謝知道了

朕向在藩邸謹守節度實未留心吏治亦並未交接一人是以踐阼後三年內所用大小臣工皆從輿論中搜羅鑒拔者居多今御極五年矣無時不以得人爲務況封疆鉅任節鉞重權寧有不慎選精擇而輕相倚信之理卿偉器也洵堪爲國家梁棟但堅守初心勿移勿貳何任不克肩荷每見人情富易奢貴易驕祿位漸崇則利害榮辱之念愈深能不隨境而轉方爲大丈夫卽朕躬亦日加返省曷敢放逸我君臣果如是乾惕無間行之有恒雖不能媲美古昔哲后名臣諒不至貽笑於後

世詩不云乎靡不有初鮮克有終所慮者惟此耳期共勉之因卿奏內有恐懼徬徨之語援筆書此以諭時夜已過半矣

同日又

奏爲恭請

欽定嘉名懇賜

御書匾額昭垂萬古事竊臣前因杭州西湖北隄有

聖祖仁皇帝南巡駐驛行宮不敢作爲地方別項公所奏

請

皇上欽定嘉名

殊批諭旨

御書匾額延訪高僧於中焚修頌祝永垂不朽等因仰

荷

向聞此僧之名恐非了義必薨也聖明俞允准部行咨到臣隨卽各處延訪問先據調任

布政司孔毓璞詳稱知有僧人元度卽是濟生和

木陳卽係宗門罪人伊之法派何足爲貴尚係山東青州府昌樂縣人在於東省出家受戒

法派係平陽弘覺國師之孫清修持律堪以住持

臣隨批令孔毓璞差人前往該僧所住江寧祖堂

德行或者有之真如料無干涉此處延請各門高僧住持俱可但不可號爲祖庭山內相延去後今已至浙臣見其人頗有德行質

實老成一面將各層

殿宇供奉佛像現在陸續安設臣於十一月初十日起

紹所掣鹽先於初九日協同在城文武官員親往將原存物件逐一分晰查點所有

寶座几案錫燈燭臺甚多除留存本處外雲林理安靜

慈昭慶四大寺各分數件俱爲供佛之用其玉玩

銅磁等物精粗不等俟選定後擬繳送至京收貯

今臣尚未回省據署藩司蔡仕舫杭協副將李燦

稟稱已擇於十一月十六日司道各官公同將僧

人元度送入住持是日杭城內外紳士軍民商賈

等以及諸山僧衆數千餘人沿途迎送不約而同

殿前焚香羅拜歡呼祝頌等因前來可見民情愛戴之

誠出於實心不能自己理合恭摺奏

聞覽伏候

皇上欽定嘉名頒發

御書匾額到浙臣當遵奉敬謹摹刻懸掛勒石將見萬

代瞻仰垂之永久而無疆矣爲此謹

奏

匾額候書就賜來

同日又

奏爲遵

旨覆奏事竊臣於十一月二十八日接准部咨議覆四

川撫臣憲德所奏請停緩浙江赴川省買米一事

奉

旨依議浙江以銀八萬兩赴川買米爲數太多准其在

川買米二萬石其餘著李衛於江西等省採買欽此

仰見

皇上酌劑盈虛因時制宜無不盡善查此案臣前經

題奏聲明若四川今歲米價昂貴即將原銀寄存蜀

庫在案今蒙

聖諭准買二萬石自應遵

殊批諭旨

二

先

李

衛

旨專差弁員馳赴川省行知委官遵照但諒到川程途
爲日已久誠恐未經奉

旨之前或於二萬石外有買就多餘之米或已經買足
者若押令在川復行轉賣必爲商販指勒出入折
耗自多而盤費水脚無著於原領銀數缺少則錢
糧卽有虧短可否念已經多買之米究與現買不
同

恩准運回抑或川省需米旣殷卽將二萬石以外者儘
數留存分貯彼地官倉以備積儲其浙江動用過
買價脚費臣於本省開銷撥補則浙蜀二處蒼生

均得沾

皇上一視同仁之厚澤矣至奉

諭旨令臣於江西等省採買臣查各省米穀惟四川所
出最多湖廣江西次之今歲川省需米禁止多買
而湖廣收成稍歉亦必取給於江西訪聞彼地米
價不爲大賤加以脚運之費恐買回較浙更貴臣
愚以爲今歲亦應暫停採買惟是前項銀兩運去
聖恩之時川河雖險然上水多加牽挽尚可從容宛轉
而行無甚疎虞今回棹江流迅激萬一遇險損失
約所剩五六萬兩之多實屬可慮若由陸路棧道

運回則腳費更爲不貲查川省每年原有撥解協餉仰請

聖恩准將買米所餘銀兩留存四川藩庫備用於浙省解部京餉內扣除歸款一轉移間似於兩省皆有裨益臣恐具

題遲緩故差員星夜齎摺奏

聞伏候

皇上批示欽遵竝懇就近飭知川撫臣憲德酌定兩便之法辦理庶無往返岐誤爲此謹

奏

據奏已有旨矣

聖恩同日又

奏爲

恩諭特頒官民頂戴無涯謹擬奉行辦理之處請

旨欽遵事竊臣接准部咨恭奉

恩旨特念浙江嘉湖二府舊時糧額稍重將正賦減免八萬七千餘兩永著爲例又於杭處等九府正額銀內留存十萬兩賞給浙省各官養廉同通省舊有耗羨一十四萬兩令臣酌量官職大小地方繁

問籍簡秉公派定數目奏

硃批諭旨

二

空

李

衛

聞餘銀存爲本省公事之用欽此臣跪讀之下隨虔設
香案望

闕叩頭恭謝

天恩敬將

恩旨刊刻遍行宣布凡屬臣民莫不歡忻鼓舞感戴
聖主施恩格外垂惠無疆現據嘉湖二府地方官轉據
紳衿士民呈詞紛紛具詳陳請代

題叩謝

聖恩并稱伊等感蒙

皇上非常恩德願將每兩減免一錢正賦內扣出十分

之三永減佃戶租米俾億萬窮民均沾

聖澤等情此皆

皇上德盛化神至誠感格遂使浮薄之俗竟有忠厚之
風臣不勝額手稱慶現在彙齊大小各官咨詳分
疏另

題外合先

奏明至於各官養廉銀兩實蒙

皇上體恤深恩留存賞給但臣愚見

國家正賦歲有常用何敢因臣下身家之謀輕易擅
動查浙屬州縣舊有耗羨十四萬兩有奇內經前

署撫臣石文焯等議於通省額徵錢糧內每兩提取耗羨二分五釐解貯司道庫內抵爲京餉添兌掛平飯食及彌補從前無著虧空解部之需此外俱未擅動臣前於酌議浙省公事經費案內

奏明在案今旣蒙

聖主有賞給各官養廉之

恩旨則耗羨一宗儘可足用惟有已經提取之項係歸補庫帑者乃地方第一要務未便缺少可否卽於恩賞十萬兩內備用止將耗羨十四萬內通融分給則凡從前竝無取給耗羨養廉之大員以及未有經

手錢糧之同知通判等官皆得普遍均沾

雨露而人人感戴無窮矣再臣前奏通省各項公務必

不可已之事除以馬械解戶雜款九千餘兩及鹽

商願復程費二萬六千兩抵用外每年尚缺津貼

本省修造戰船工費銀一萬餘兩今蒙

恩旨餘銀存爲本省公事之用可否亦於賞給銀內暫

行支動足數辦理俟兩三年中無著虧空解部完

清之日卽將前項銀兩抵用停止動支使目前緊

要軍工得以完備皆出

皇上特沛之

天恩也此外尚有餘銀少半皆係正額賞出公帑豈可任意輕用或地方偶遇偏災軫恤乏食窮民或緊要農田水利可以救濟蒼生又如天津旅順戰船凡遇成造拆修年分不敷工料運脚等類原不在每年常例津貼之內者又奉旨著令會同將軍臣鄂密達於浙省駐防各旗挑選壯丁習學水師將來需用添設戰船除部價外亦須另有津貼并從前題結各案買補還倉米穀價值多寡未敷之數有關倉儲必如此等實在緊要公事於

國家民生有益方敢核實數目於此項支用不使稍有浮濫庶無負

皇上蠲賦軫恤官民之盛心而地方亦得實在辦公之利益矣如蒙

俞允容臣詳查各州縣實徵耗羨多寡細數除各官中奏有已經議給養廉者無庸再賞外其餘酌量官職之大小地方之繁簡秉公派定數目請旨定奪抑或竟將

皇上恩賞之十萬兩添入耗羨十四萬兩之內不必分晰統算議給各官養廉餘銀存庫以爲本省一切

公事之用臣未敢擅專亦不敢冒昧具本省一

皇題合先繕摺請 內奉 聖旨 旨伏乞 睿鑒指示欽遵爲此謹

奏

奏

所奏朕命怡親王等詳悉密議今將議覆之摺一併發
來爾其查照遵奉辦理

呈上同日又

奏爲奏

聞事竊臣在紹所掣驗引鹽據石門縣稟稱有巡鹽船

隻在於該縣地方黑夜之中與岸上多人鬩鬧致
死郁彩章一名眉角帶有鎗子傷痕臣隨批令確
審因何故聚有多人與巡船抵鬪起事根由各實
情驗明通報并差役將在船兵丁查出押發該縣
收審去後隨據外委千總韓子儀卽韓景琦稟稱
十一月十六日在石門縣地方拏獲私鹽二起將
人鹽親押交縣出城已及二更忽聞有所帶守口
兵船追趕鹽船到地被岸上多人幫助鹽徒攔路
打傷巡船兵丁衆梟鎗石交加乘機逃去訪聞係
毛七在內鼓衆拒捕等情臣未敢遽信卽差委弁

員替換巡緝將韓景琦一并飭發該縣質審虛實
竝令確查毛七是否梟徒在內拒捕拘訊間又據
巡兵盤獲鎗手孫文信等四名持有鳥鎗四桿內
逃走一人其鎗上雖皆鑄有獵戶字樣而孫文信
姓名不同且是夜卽係輪班管守橋柵之人又在
場幫助打鎗其中似有別情并續訪聞有嘉興批
驗所書辦呂姓家人吳大通梟糾合等情臣查石
門一帶爲私梟出沒孔道向來官差緝私緊急卽
有地方棍徒幫助梟販明知巡鹽官船反稱匪人
喊叫黨羽混行打奪放脫鹽徒之弊今此案是否

地方助梟黑夜混雜放鎗所斃或係鹽徒拒捕致
傷并果否弁兵因巡鹽誤傷傍人或無故生事致
死平民現飭司府縣各官秉公確審務得實情不
士飭令梟徒結黨陷命致長刁風亦不因係臣差委巡
緝稍有寬假致民命無伸統俟審出實情另行分

奏晰定擬
題結外合先繕摺

奏明伏乞

聖鑒謹

奏

硃批諭旨

癸

李

衛

此等案件稍不虛公必將增出無限波瀾探水須探其源務宜究明情故方可永杜惡風

奏雍正六年正月十九日浙江總督管巡撫事臣李
衛謹

奏爲據實覆奏事竊臣於上年十二月初四日准內閣包封發到欽奉
上諭著令行查十月初九日烏鎮地方有鴨嘴船被盜劫奪打壞船隻傷斃多人并惡賊黃魚大王滋泥大王爲害行旅何以不行查拏懲治等因臣不勝惶愧悚慄查烏鎮係浙江之歸安烏程秀水桐鄉

江南之震澤吳江六縣接壤素係藏姦之處曾經臣

題明將湖州府同知移駐此鎮專管捕盜事務遍查秋冬所報盜案竝無此宗情形隨飛飭嘉湖道二府廳縣并各協營汛上緊密查嚴拏外又潛遣親屬改扮商賈分往各處緝探皆稱上年秋冬相近烏鎮一帶未有失事臣因地與江南交界恐犬牙相錯之區彼此推諉隱匿先經密咨江南督撫提臣會同查拏又照前差人密往蘇松各處及太湖泖湖地面遍加訪查止有上年正月二十七日震

澤縣之濫溪地方有鹽商汪姓者被劫曾經傷人一名竝非十月內之事其黃魚滋泥二惡賊江浙兩省交界地方挨查無蹤臣思由烏鎮走濫溪一路乃蘇杭往來孔道若有大盜劫傷十餘人自必遠近傳聞地方文武卽欲諱匿斷難盡掩道途之口但此事必非無因故先將素日已獲積賊曹大曹二嚴加究訊是否另有混名歷審數次亦非其人止據供出伊乾娘巨窩雌老虎沈吳氏并其妹鈕吳氏所通盜賊甚衆又臣到任後曾會同江南巡察王肅章查拏烏鎮相近嚴墓地地方庇賊巨棍

皇

金三積窩周永明因事在隔省王肅章又別巡上

江鞭長不及該管之震吳二縣恐蹈失察之咎明

知故縱聽金三倩人頂替審豁漏網臣今一面咨

會江南督撫竝行蘇松太道魏觀密拏解浙其周

永明沈吳氏窩盜情形俱有案卷證據無可抵賴

惟金三本名士吉住居江南地界又改名金去疾

冒籍湖州歸安中舉專爲漁船盜賊坐主凡有事

發投靠者不惜千金救援又與知縣往來甚密在

嚴墓鎮邀結黨類借故豎碑禁止兩省捕役不許

到彼地拏賊否則卽行聚衆劫奪該犯乃係暗中

是乃庇護原不露出形跡難以輕拏今仍恃有護符尚

未自認且周永明表弟現在江南督臣幕中據魏

觀稟稱已奉有牌行到道令其留蘇審後再發因

先已解浙頗有遷怒不悅之意恐此案將來辦理

不無掣肘以上巨窩各犯雖難指為黃魚滋泥等

賊但嚴墓逼近烏鎮多係匪人結連為盜實屬兩

省交界之巨害容臣另疏叅革職銜分別審明再

為歸案具

題完結臣重蒙

皇上厚恩委畀重任辦理他事誠有未周至於盜賊

此等處洵為朕所深信

項臣實未敢一刻玩視若果有如此傷人壞船大

盜為害地方惡賊臣必不待四月

朕豈題叅疎防之限先行具

汝尚奏儘力嚴拏何敢於奉

旨行查之助尚為隱匿但思此事必非竟無影響敢於

皇上交相助者今若不能查出拏獲除害則賊等暗

傳聞設前妄陳者形跡其胡為不奏朕又何必故不明以

示知或本出於無稽之言或係盜踪詭祕故難以物色

俱未可定汝但更加留心細察密訪有則具奏以聞無

則已耳於所聞之處再奏也賜查問實在蹤跡俾不拘何處得以根拏務獲除此民

殊批諭旨

二

究

李衛

害將臣與地方文武各官失察之咎一併交部嚴
加議處則商民行旅仰戴

皇恩於無旣矣臣不勝惶悚之至爲此具摺謹
奏

覽

同日又

奏爲奏

聞掣過引日事竊臣前將去冬衆商廣辦場鹽比舊約
增有二十餘萬之處先經附摺

奏明今歲內已經掣畢四所兩季共有五十七萬七

千九百餘引合之一年四季共掣過九十四萬一
千六百餘道較之定額七十一萬三百二引之數
實多二十三萬一千有奇若今歲再能如此則歷
來壓下半年引目不但趲出足數且可透掣下年
之鹽課餉雖不能明加贏餘而暗中已可每年多
得錢糧數萬矣至臣經過四掣將少銷不銷之處
設法疏通移於多銷地方俱經銷完查引課有上
中下三等又有票引科則更輕在從前不銷之地
引課旣已攤完今緝私有效復得將剩引納課編
配實銷則此項卽屬溢出再上則地方引已銷完

不足民食將未銷下則及票引輕課添於多銷之處仍照重則完納又有多餘臣兩年以來積零合總共計一萬七千三百一十八兩零又清出前鹽臣噶爾泰等任內四千三百一十三兩零二共二萬一千六百二十一兩零俱陸續飭存鹽驛道庫一并充公應否以之修理寧波等府各處城垣無項可動之大工抑或將來有整頓鹽政各種公務設若有必需之處再行請旨方敢動用但此等原非逐年一定之項每掣多寡數目皆不能預料惟看天時陰晴年景豐歉及緝私

於奏請時自當指諭

事後方見焉可預期之勤惰為盈縮故不敢具

題嗣後每年所得數目再當

奏明充公如何項動支仍行請

旨欽遵再欽奉

諭旨兩淮條議鹽政事務交臣與范時繹噶爾泰會同確議具奏欽此臣何敢不詳慎籌畫諒兩淮鹺務與浙省大概規模相同但從前如何查收竈鹽分別肩票各引并緝私之法向係專委何項官弁兵役作何稽查及地方疏銷難易等處臣未得悉知當即將兩浙鹽政條議事宜飛移江南督鹽二臣查

明彼地嵯規咨覆到日容臣悉心參酌另行會題
請

是
旨遵行又臣前奏石門縣巡鹽兵船致傷郁彩章人命
一事欽奉

硃批此等案件稍不虛公必將增出無限波瀾探水須
探其源務宜究明情故方可永杜惡風欽此仰見

皇上慎重民命懲創私販刁風至意臣查此事非比平
常案件若民受誣枉則人命無伸衆心不服若兵
受委曲則私梟長志鹽法廢弛誠恐知縣職卑權
甚是
輕或有瞻徇巡鹽弁兵并庇護本地私梟聚衆阻

所委俱當此三月若不能審出真情猶有瞻徇庇護則

天下事無可辦理之人矣

孫國璽已行擢用在此兩諒應受莫能捨朕則量宜酌

聖明揀選皆顧惜聲名自重品行者庶幾可免前弊俟
該府等會訊明確定議具

題合併附摺陳明謹
奏

覽

雍正六年二月二十五日浙江總督管巡撫事臣

李衛謹

硃批諭旨

奏爲奏

聞全浙雨水年景情形上慰

聖懷事竊臣仰見我

皇上敬

天勤民撫育萬邦惟恐一夫不獲其所兩年以來於浙省

偶有纖芥偏災稠疊

恩施有加無已

聖心上格

穹蒼惠及黎庶去年夏秋以後雨水調勻三冬晴暖瑞雪

應時五風十雨直是堯天舜日景象民心大爲安

樂雖間有曾被蛟水之零星數處稍覺偏枯而隣境左右俱係豐熟柴米價值平減小民有可通融不致艱窘是以蒙

恩折漕數內竟有不用追呼勉力支持仍完本色漕米

趕副冬兌限期者更喜今歲二月十八日奉

旨各省同日舉行耕藉之禮臣敬謹從事不敢稍怠乃

先期一日及本夜皆值時雨霑足自交子丑之間

神

明其徵驗彰彰可睹斯亦必然之理非奇異事無如人

自信不及耳

大典攸行臣與司道地方官次第畢事士民老幼萬

殊批諭旨

二

三

李衛

餘人環若堵墻歡呼載道咸頌
卿等之誠感格得此徵應本年各屬春花現在暢茂秋
皇上至誠感格得此徵應本年各屬春花現在暢茂秋
誠斯朕之誠益廣若第侍朕之誠而不自以誠則朕之
一誠亦何能遍及耶至於感格之道惟在公私之分而
已如爲一己之私請媵求福雖極盡其誠每多不應愚
聞仰慰而不應遂將感格之理視爲渺茫無憑亦豈知
聖懷謹於根本處早經差謬也歟

地方上得卿如是體國愛民之督撫感召休徵雨暘時
若朕可保其必然不爽向後倘偶有過愆當修省之際
置身家利害於度外惟竭誠專爲國計蒼生禱祝朕可

保其響應更必不爽果能篤信此理而力行之乃兆庶
之福朝廷之福亦卿等無窮之福也欽哉毋忽

同日又

奏爲據實奏

聞事竊照藩司一官不但爲通省錢糧總匯凡一切理
財用人地方大小事務無不經由該衙門核議轉
詳此在各省皆然而浙江諸務殷繁又數倍於他
處故其經承衙役衆多蓋由辦理繁劇使然而其
作弊舞文又實以浙江吏役爲最臣到任兩載藩
司除署官外四易其人近蒙

彭維新忠厚和平志操甚優朕原慮不宜於外吏因其
聖恩簡用彭維新補授臣於伊學院任內同官半年有
聰察試用豫省臬司田文鏡與之共事未久即極其
其居心公正抵任之初應刑名案件雖亦代為正可協
而盛言其虛已勤學復將彭維新於上年十二月內到
辦錢糧深刻偏執之處耳今彭維新於上年十二月內到
今若是非封疆才矣於擢授藩司時不止朕如此期望
皇恩矢志操持清廉儉約馭役嚴肅尚屬舊時本色而
田文鏡亦稱到杭之後相隨該撫李衛熟習錢穀利
弊為難得惟於吏治不甚通達又性極多疑每防人作
於內難於覆遲迴未決斷遂將要務沉摺除各屬通
能也但所慮者潘臬為督撫之左右手設不妥協諸
詳事件臣俱代為辦理無悞其例由藩司核轉者

務實難就理昨董丞之役半月方批或二十日或一月外始
以白詳文到司之後半月方批或二十日或一月外始
聞朕據核轉到臣即微員病故丁憂開缺委署無弊之
事亦復如此每致職官懸曠又如歲前各縣解到
朕用人不得已之若東也浙藩員缺若知有可以克勝
之人即行薦奏勿以潮潤變色臣聞之面詢其故據該司
新姑且示誘掖勉令料理俟代替得人將伊內調部
中近亦需才接續因過年用度作弊偷米未得杜絕之
不果行覽是以緩收臣告以衙役雖有此弊在乎設法稽
察斷無防噎廢食之理再三面為商酌適有原任
嘉興府知府喬世臣經臣從前

奏明調來署內協辦事務該司素知其人即具詳請

殊批諭旨 二 五 李 衛

委其赴倉監看十日之內將各縣南米收完而停
滯已久者篩颺折耗甚重則已無可如何矣又如
收買銅斤各局紳衿百姓紛紛呈繳該司發銀稽
遲多致守候又近日搶修海寧塘工更屬緊急乃
辦員屢詳領銀不給以上臣皆催之再三亦未能
應且常有竟不回覆音信俱無者諸如此類不可
枚舉然又非該司懶惰偷安有心遲延緣其文書
收發必親手上號親身傳遞視一己外別無可信
之人吏書日行稿案每事必取其實係斟酌妥協
不敢受賄作弊如虛甘罪之押結而後輾轉再三

方始判行在事之小者既因此而枉費精神耽延
時日事之大者又遲疑顧慮而不輕於發放且柴
米瑣屑又必親自經手是以每日辦事必至四更
仍然諸務叢積臣見其形容憔悴神情散漫竟為
案牘所困深加憐惜極口苦勸據稱案件緩急實

難分晰求臣每月開單示知便於照依辦理在該
似此奉公不貪而又虛心勤苦者即屬不可多得再搜
司之虛心勤苦於此可見即伊亦無執拗記毒掣

羅看 肘之念而臣之日逐代為辦理豈能事事周到而

大笑覽之卿與之同處一城日逐代為辦理豈能事事周到而

即云難勝恐致貽誤朕代各省督撫辦理者十居六七
分勞幫理者如杭嘉湖道徐鼎杭州知府孫國璽

恐致貽誤之念更當何如耶

徐鼎孫國璽皆係難得之員緣欲整理浙省地方所以

用助令分頭起程臣何敢岐視外省而有懇留之心即

又復改調別省也嗣後只可揀選品質嘉美之非相好

卿教導全隨至親郎舅而臣妹早故素日原非相好

人員因其辦事克勤故相待絕無芥蒂現成老練優等

聖主之前無所隱諱至武員最要緊者莫如水師現在

勉為之溫州鎮邊士偉黃巖鎮方文登皆長於陸路而未

奏聞朕酌補授武途中嫺習水務之員尤為難得

委定海遊擊黃有才兼為統巡春季洋面近又奉

旨將鎮海營叅將高昇陞用瓊州瑞安營副將許良彬

許良彬頃據高其倬題陞臺鎮朕未允准調京驗看欲

另行調進京則各營熟諳水師者實在乏人即委署

另以緊要水師總兵補用水師員缺浙省較之閩粵稍

次巡防要務數省較之各營更重所以朕之焦思尤甚也

能隨時調劑以釋其心甚為焦思惟有加意設法

聖懷所慮者藩司緊要衙門不料彭維新措施之才竟

不能克勝此大省繁劇之任臣先以為新到未能

熟練今日久漸覺堆積壅滯若再避嫌疑而存徇

前已批明隱

皇上聖明遠照倘蒙下詢臣將何所逃罪再四圖維不

敢不據實陳明仰候我君臣共相商酌

睿斷臣素性愚直與彭維新甚屬相安竝無意見參差

殊批諭旨

李衛

卿言朕亦料及稍有蔽賢嫉能之私實因

國家公事綦重恐有貽誤伏祈

聖鑒謹

奏

覽

同日又

奏為覆奏事竊臣欽奉

諭旨令臣將陳時夏張坦麟二人孰是孰非何由致於

如斯據實陳奏欽此臣奉

命之下隨將伊等因何事參商緣由密差確訪去後探

得本年正月初一日張坦麟起程前往江寧陳時

夏聞知以為必向總督范時繹有所陳訴亦於初

一日隨後趕去外人見撫藩二人同於元旦出門

遂互相猜疑傳說不一至兩人辦事不合之處大

概皆因蘇州知府溫而遜楊州知府呂大雲二人

在陳時夏以為雖有公錯其才尚可辦事如詳委

銅斤解官與例不合及屬縣失察容留旗員干涉

知府參罰等項數事陳時夏同督臣范時繹之意

欲將二人寬容而張坦麟堅執不肯依從乃陳時

夏於其面說時則含糊應允及坦麟具詳揭報又

殊批諭旨

二

頁

李

衛

須如是曲為庇護且又涉於隱諱將伊等不合及失察
之案一復駁回所以愈加牴牾又因銅斤一案溫而遜主
在督撫均屬兼辦寬限六年之議張坦麟求寬有年執意
不回亦與陳時夏之見未合此數事張坦麟未免
拘執太過臣雖不深悉別件委曲但傳論皆以陳
陳時夏實有斯等瑕疵如此評論者不一其人即張坦
麟亦非大器局量褊狹而尚氣但心術可嘉耳於公務有
谿刻臣愚以為均失人臣和衷辦事期於公務有
大抵棄短取長而用者指不勝屈如江南督撫三員莫
不皆然似此操守尚有可觀仍肯實心任事之人已不
能多得矣奈何
皇上明竝日月因地制宜成就人才自有

乾斷今聞張坦麟已改調東省恐陳時夏過於柔懦因
趙向奎確係剛方質品抵任受事後自見惟慮其太過
所奏甚屬公當不出朕之預料
關係甚鉅謹就臣愚昧之見相應據實覆
奏不敢稍有偏袒伏祈
睿鑒又臣前奉

諭旨著察訪常保住前途行為今差往廣東澳門之人
已回探得伊等去時於十月初四日過江廣交界
之梅嶺有南安營備執事迎送用差馬四十匹人
夫九百名初五日於廣東南雄府地方下船共坐
驛站船二十六隻自初七到韶州起至十二日晚

到廣東省城俱有兵馬穿盛甲站隊十三日常保
住進城在貢院駐劄來使麥德樂在左翼鎮衙門
作公館署撫阿克敦以戲酒款待二十二日起行
委惠潮道護送二十六日抵澳門到時有澳門夷
人各執紅毛鎗械穿藍色號衣迎接張燈演戲慶
賀三日常保住留居澳門至十一月初一日始起
程回京澳夷所送程儀西洋土產等物因鬼子語
言不通無由知其確數常保住回來起旱時在香
山縣用夫八十五名過梅嶺用夫一百三十四名
水路坐船大小五六隻不等去時所過府縣各送

雙下程酒席十桌八桌不等俱從豐厚常保住悉
行領受回時比前減少亦有不收者沿途文武各
大臣俱止向常保住恭請

聖安其接待夷人稍覺太過然亦無甚失體之處來使
麥得樂等住澳門良久於十一月二十四日始回
西洋去訖緣係奉

旨沿途察訪情由理合一併奏

聞謹為奏聞事竊臣等前奉
奏備

覽

奏五六年三月二十二日

殊批諭旨

二

草

李衛

雍正六年三月初二日浙江總督管巡撫事臣李
奏衛謹

奏為奏明事竊臣叨荷重任夙夜黽勉不敢自寧所
有營伍武職事宜現在逐一確查分別緩急次第
料理惟是沿海地方洋面其形勢險要汛守情形
并營中甲械之虛實操練之勤惰非身經閱歷未
敢盡信意欲剋期兩月親往巡查但臣以一身而
兼理三衙門重務在督鹽兩處之事尚可隨路辦
理而巡撫衙門所管錢糧刑名甚繁且水陸兼程
逐日行走命盜各案難以沿途解審又目前正二

天

神

近年月內海寧老鹽倉南面海中漲出沙洲潮分兩股
激射北岸塘外護沙悉已衝卸直到塘身而橫過
覺不妄矣當時刻謹防毋忽諺云盡人事以聽
之軟浪迴溜又復一日兩次盪刷根脚俱被搜空
一線草塘不能存站勢甚危險臣雖委同知二員
至承修各員并該地士庶人等果能咸具精虔祈禱之
念官則矢志利國濟民則誓願改過遷善抑或恭建
保固現據議詳另築護塘捍禦但臣思塘之所恃
申拜祭再加根脚牢固實今潮勢頂衝根脚盡去
以屹立者惟在根脚牢固實今潮勢頂衝根脚盡去
感默孚庶幾可保無虞矣
雖石塘亦將傾陷何況草塘焉能敵住或於緊溜

去處搶築迎水壩數座先分順其勢并做河工加
埽抵塞使水力到塘稍緩然後再於本塘設法著

殊批諭旨

二

臣

李

衛

諒與黃河水性迥不相同也河勢自土趨下
力因未確知與黃河水性是否相同築壩有無裨
但能導其緊溜使之順行斯通身暢流無復汎濫之患
矣海潮隨月虧盈係逆流而上其消長情形有不可
胸臆測度者全又滿營壯丁學習水師一事先經咨部
惟應稽考前規設兵事宜現在等侯部覆其安設戰船
親往勘議卽順路查閱海寧仁和新開河道此數
事完後已值農務將興又兼各項奏銷并掣鹽期
近難以遠出臣擬於八月中俟上游數郡早稻收
獲後輕裝由紹寧台温及玉環山沿海岸而去從
處衢金嚴內地自錢塘江而歸一路察勘地方山

海形勢簡閱器械軍伍其巡撫印務查觀風整俗
使臣許容已經回浙本任無甚要事請暫交許容
管理庶現審案件出入錢糧不致稽遲貽誤而臣
得以放心前往將耳聞目擊之事盡心講求有應
斟酌損益者再行請

便理合

奏明伏候

皇上批示庶得預行料理爲此謹

奏

所奏雖是然亦不可預定成見至八月間看地方事務忙閒情景若必應巡視察勘臨期具疏題請候旨遵行

同日又

奏為恭繳

御批事竊臣前差齎摺把總自京捧回臣隨敬啟跪讀祇領

聖訓欽奉遵行所有

皇上恩賞浙江各官養廉銀兩一事現在照依王大臣等議奏奉

旨事理查明各屬歷來所收耗羨多寡數目核實秉公

是派定另為分晰

奏明存案至江浙交界地方積窩惡賊查拏甚多頗

有屢經犯案漏網大盜緣地連兩省每至影射作

弊如在浙供出夥賊前行江南震澤縣提拏內中

竟有姚天生姚二兩犯以替身起解為浙省押往

認識之張德隆指破而此案又經江南督臣范時

繹批發江蘇臬司留審未得歸浙併究今庇賊首

惡舉人金士吉等已質明有據臣現在另疏叅革

職銜遵

旨嚴訊務在提齊江南所留案犯窮究黨羽剪除巢穴

好以副力窮究方為拔本塞源之道
皇上靖盜安良之至意又臣近見雲貴督臣鄂爾泰因

鑽營之事叅奏知州五綱昌荷蒙

特頒訓諭行令各省督撫知之仰見我

皇上整飭官方杜絕私弊提撕警覺至於再三夫地方

廣濶情偽百端誠如

聖諭豈無不肖之人招搖生事借名撞騙卽臣初到浙

江以後彼時所屬官民尚未知臣之心迹有紹興

無知少年之徒馮如溥因其父係臣原籍徐州豐

縣典史竟敢公然投稟鑽營輒以平湖縣縣丞張

萬銓求署縣印當經立拏重處其張萬銓提到究

出被哄情由正在敘文咨革適已患病身故又臣

從不識面之遠族李謙突爾來浙臣恐其不肖拒

絕未見發與盤纏銀二兩令其速歸安分乃伊輒

往石門縣投帖招搖指冒生員名色稱係巡撫乃

奏姪索借路費經石門縣密稟臣卽嚴行該縣重責

四十板鎖押遞解回籍各在案自此以後外人亦

知臣不可嘗試俱已畏懼斂跡以上事件因案內

無應叅之官是以重懲發落未曾具

望題仰承伊效

聖諭訓誨用敢附摺陳明謹將

御批奏摺竝

賜發王大臣等議覆原摺一併恭繳伏祈

睿鑒謹

奏

覽

雍正六年四月初六日浙江總督管巡撫事臣李

衛謹

奏為恭謝

天恩事雍正六年四月初三日臣前差家人自京捧回

御批奏摺併領出欽蒙

皇上賜臣

皇輿圖十副到杭臣隨出郭跪迎回署虔設香案望

闕叩頭恭謝

天恩祇領訖欽惟我

皇上德敷九有

澤被八紘大而統之車書緯東西而經南北合萬方

之玉帛和風雨而順陰陽固已嶽峙川渟獻河清

之嘉瑞從此山深江永慶海晏之綿長矣乃茲

帝德淵涵俯察疆隅於八表

殊批諭旨

二

臺

李

衛

聖心廣運爰圖區宇於四維自畿輔以及要荒川原比
櫛溯侯甸而周藩衛繡壤交榮立分率以審遠近
之差設準望以正會歸之極又復詳道里而分高
卑下覘度數而定方輿在裴秀之賦六體不能盡其
呈上精詳卽倚相之讀九邱豈足方其奧衍臣猥以淺
大恩陋得被檢點

寵榮觀此

皇輿之式廓卽知

聖衷之運量無處不周仰茲

玉軸之精華愈思

睿鑒之淵深無微不至藏諸什襲永爲希世之珍垂於
子孫奉作非常之寶理合具摺恭謝

天恩臣不勝欣忭感戴之至謹

奏

此圖乃

皇考於萬幾餘暇躬親考究經營數十年方始告成應加

意珍重者

同日又

奏爲恭繳

御批遵

殊批諭旨

旨覆奏事竊臣於本年四月初三日欽奉

硃批發回奏摺三件跪讀

訓旨感格之道惟在至誠公私之分此實上下孚應深

切著明之理

全賴爾等封疆大臣同心協贊也勉之勉之凡蒙

皇上時時以此對越

天惠賜休徵惟當倍加敬畏絲毫不可高興肆志

神明所以浙地民人得邀

賜佑今年通省春花俱十分豐熟及杭嘉湖紹等府

蠶桑頗好在此一月之間均可收齊至臣所奏彭

維新居官辦事一摺伏讀

硃批諭旨

聖主不得已用人之苦衷與委曲造就人才之至意無

不開誠布公逐一指示實有使臣下感激而涕零

者況以

皇上萬幾之勞尚為天下督撫區處政務如直隸全省

事無鉅細皆勞

睿思江南大吏未能盡得其人又費

朕之機務止此而已乎但上託

聖心籌畫且邊塞之兵機夷苗之綏輯與夫閩廣浙江

宸衷臣受

恩最深仰體實切凡有微力所能兼辦設法可以成全

硃批諭旨

二

厚

李衛

之處自當竭盡心力以期恪遵

諭旨稍慰

聖懷至奉

諭旨浙藩員缺若知有可以克勝之人即行薦奏勿以
地方大吏而避嫌不舉欽此臣思浙省兩司事最繁
雜勝任實難其人至彭維新苦心要好亦肯盡力
任事惟其游移多疑牢不可更是以諸務堆積未
能擺脫若觀風整俗使一官於錢穀刑名固皆所
管然不過總稽大綱旁察弊竇無須事由已定且
懾服浙省紳士刁風惡習彭維新素有可畏聲望

彭維新既為人和平善柔必不能長於果斷觀風整俗
於觀風整俗使一席似屬才具相當甚為合宜而
現任使臣許容辦理本任原屬有餘今自福建清

查錢糧回浙以後臣見其舉動行為似乎閱歷已
深商量公務諸事平穩較向日之褊急居心惟求
占人地步自見奇異不顧實在於吏治有益之處
竟能改革臣愚以為與其使彭維新調回京中操
練不若使之仍在外任學習以備將來內部接續
此論朕頗不以為然許容原屬才具但器小易盈若加
不勝其短處於此原有一理繁之才但器小易盈若加
以品短處於此原有一理繁之才但器小易盈若加
理案以品短處於此原有一理繁之才但器小易盈若加
辦布政司事則一轉移間兩大員均可督查虧空

之職

更覺得人此就於浙省現任官中籌酌之管見也再如孫國璽之居心才幹實屬難得

皇上已授以汀漳道要省之任臣何敢岐視彼此復有

瑣瀆惟是臣訪問閩省舊員竝現任福建糧驛道

李玉鏞前來江浙辦銅臣又加詳問俱云汀漳道

雖則職任全省海防但洋面盜案諸務文則有臬

司統轄及各知府專管武則有汀漳二鎮為主該

道於專辦料理之事甚少其兩屬民俗蠻野獷悍

而習氣惟有尚義一節好友皆在於此若非其素

所信服之官未肯貼心馴伏今孫國璽初次赴閩

汀漳

璽朕

保其談笑而為之也凡事賴人而治果抱濟時之

欲其恩義遽即浹洽人心一時傾服或亦未能驟

得而有才恐反難於見長矣臣思必取實在

張無咎據許容楊文乾沈廷正常賚數人咸稱其好

汝復奏及諒係一出色之員因向為部曹時鍾錚有聲

所以揀用外任朕思及此有嫌怨之聲名臣雖與之識面

怒故照無深交及出守泉州時於災荒賑救一事泉漳

也滇省新定人民均多感其調劑實惠今因虧空一案已

議革職據許容等亦稱其尚係因人受過甘心認

罪非屬己身侵那且穀石已經眾民代完離任環

繞呼號實有不捨情狀此人委屬可惜倘蒙

皇上察訪其由尚為堪用可否

殊批諭旨

二

亮

李

衛

特沛殊恩使之於汀漳道任內戴罪效力民心感悅
天恩必致改惡遷善設以爲未便復用閩省懇祈
發浙作何酌量差遣之處候

旨遵行其孫國璽或請仍以道銜暫行辦理浙江布政
前已有諭委係當惜之才大笑覽之
似此司事如該員果能矢志盡職再請實授俾臣得以
教導不惟目前可收臂指實效且將來亦堪備爲
封疆之選庶以仰報我

皇上造就人才之至意再臣所奏溫黃二鎮皆長於陸
路未諳水師一節奉

御批如有知者密以奏聞朕斟酌補授武途中嫻習水

面見務之員尤爲難得欽此查調京之許良彬其人雖有
雖聞其好尚未經

才幹熟悉洋務但恐其居心頗深臣一時未能灼

見不敢冒昧查已陞瓊州副將高昇漢仗過人水

師亦諳性情鯁直堪備總兵之選再杭協城守水

師副將李燦其辦事操練前摺備晰陳明該員雖

李燦係北人而歷任浙省海疆二十餘年於戰船洋面

常時經歷行走實可備用而保其無誤者緣蒙

聖主推心置腹不以愚陋見斥不以嫌疑顧忌特將本

省布政司總兵等官令臣酌舉所知臣感戴激切

用敢以微末臆見密封直陳於

君父之前是否可採長經陸直刺效

聖明鑒照自有大中至正之

乾斷非臣淺識所敢妄議也理合遵

旨覆

奏竝將奉到

御批奏摺一併恭繳伏乞

睿照施行謹

奏

覽

同日又

聖奏為奏明事竊臣齋摺家人自京回杭聞臣前次所

題備陳鹽政條議部內議覆會題稍遲字句未合致

蒙

皇上查詢主事張復回

旨奏含糊欽奉

嚴旨革職通飭各司官員臣雖未見部行不知詳細原

委但以微臣之故致於上費

天心煩勞

聖慮重撫躬跼躄無地自容查張復係雲南人臣從前

在滇遍歷鹽井查勘地方情形之際偶因天晚無

殊批諭旨

二

臺

李衛

處安歇於山僻中搭蓋松毛棚屋暫行住宿在張復門前伊來出迎彼時尚係拔貢生臣便中間知其家貧親老年苦讀曾贈以膏火之資後伊中舉進京會試時缺乏盤費亦量爲資助是張復於臣或係出於有心惟奉旨查詢時不據實

皇奏明反多支飾其罪何辭但緣臣一身而使部員獲咎臣心何能自安是以將臣與張復平素認識緣由據實聲明於聖主之前自蒙

洪慈鑒察非臣所敢妄邀

天恩於格外也爲此具摺密

奏臣不勝凜惕惶悚之至謹

奏

汝被張復瞞矣此事確係伊有意而爲若非怡親王精明不能察出實情日後汝自得知備細處分毫無枉抑朕尚謂過於從輕也

卷之二

二

三

四

五

知不足齋

伊

書

素

素月不御稟前以呈來之

天恩伏舒伏出會

共慈鑒察非丑

